

آخر ركن

في الدائرة

محمد عمري

اسم الكتاب : آخر ركن في الذاكرة

اسم الكاتب : محمد عمري

رقم الإيداع : 2016/23543

الترقيم الدولي : 9789776527881

الطبعة الأولى : 2016

مراجعة لغوية، وإخراج وإخلي : هيام فهم

صاور عن : مؤسسة زحمة كتاب للثقافة والنشر

15 ش السباق - مول الميرلاند - مصر الجديدة



www.za7ma-kotab.com



دار زحمة كتاب للنشر



za7ma-kotab@hotmail.com



01205100596

© جميع حقوق الطبع والنشر محفوظة

لمؤسسة زحمة كتاب للثقافة والنشر

المشهرة قانونا بسجل تجاري رقم /84486



مؤسسة زحمة كتاب للثقافة والنشر

الأمهات

لأمي ثلاث مرات ..
من بعدها أبويا
وبنت مش بنتي ..
منسوبة لأخويا
أمي اللي بعشقها ..
لكن متعرفنيش
وأبويا اللي مانيش شبيهه
وأخويا اللي مايشبهنيش
لأكثر بنت حبتني .. ومحببتهاش
وأكثر بنت حبيتها .. ومحببتنيش
لأصحابي عددهم قل ..
لكن بينهم حقيقي بعيش

محمد عمري

البنات اللي ف ثانوي

البنات اللي ف ثانوي هتبدأ ..

من يوم الحد الله يعينها
ويا عيني خلاص جايبة آخرها ..
خست كيلوهات - دابت عينها

البنات الحلوة اللي ف ثانوي ..

شغلتنى بعينها وبرائتها
اللبس الكحلي وضايفرها ..
وكسوفها وخوفها وضحكاتها

البنات اللي ف ثانوي بتعشق البرد

عشان أحضن إيدها
والدنيا تمطر فتقرر ..
ببساطة جاكتي يكلفتها !!

البنات اللي ف ثانوي بتسهر

وتفر ف كشاكيلها تذاكر
لكن ف الغالب بتفكر ..
في الشخص إل أصلاً مش فاكتر
بنت لون ضفايرها بُني
صوتها حلو لو تغني
حلوة هي ف تالته ثانوي
أحلى من كل البنات

البنّت اللي ف ثانوي عينيها ..
بتحلي الكُحل اللي راسمها
على عكس المنطق والعادي

وإن حبت تخرج من بيتها
"فساتينها بتحلم تُحُضِنها"
سُبْحان من صورها قصادي

البنّت اللي ف ثانوي خدودها ..
فيها حُفرة وبتقول غمازة
لو مرة أقولها دي إعاقة ..
بسهولة بتصبح متغاطة

أنا "بابا" البنّت اللي ف ثانوي
وأخوها إن حبت تحكي لي
وابنها لو حبت تلاعبني
وحبيب تشتاق أوي وتجي لي

البنّت اللي ف ثانوي هتكبر ..
ما هو هم ثلاثة مفيش رابعة
وساعتها بدون حتى ما أفكر ..
هكتب للبنّت اللي ف جامعة

صاحبات البنت اللي ف ثانوي ..
بيغيروا عشان بكتب فيها
أمال لو عرفوا إن ديواني ..
الجاي دا كله على عينيها !!

البنت اللي ف ثانوي حبييتي ..
وبتقدر برضو تكون مامتي
وإن مالت على حضني مفاجأة ..
ف ثواني بتتحول بنتي

غريبة البنت اللي ف ثانوي ..
في عز وجعها وبتضحك !!
وتلمع دمعة ف عينيها ..
ف بتشدك

سُبحان من حط ف حُضنك روح ..
بتأخذني لسابع سما وبتوه
سُبحان ربنا إداكي حنان ..
ومفيش بنوتة بتملُك أخوه

مطحونة البنت اللي ف ثانوي
ف دروس ومذاكرة الله يعينها
وبرغم سهرها ومشاعلها ..
لسّاها بتسحرني بعينها

البنّت اللي ف ثانوي بريئة ..
حدوتة جميلة ف آخر الليل
تحكيها وما تملّش منها
وعلاج لو قلبك مرة عليل

فكت ضفاير شعرها اتهزيت ..
ناديت بعلو الصوت "أنا اتجننت"
أنا اللي عمري ما قبلها حنيت ..
لقيتني قبل ما تتأمر قبلت

البنّت اللي ف ثانوي بريئة ..
وبرغم برائتها جريئة ..
والميكس اللي ما بينهم حالة ..
تبسطني بأسهلها طريقة

البنّت اللي ف ثانوي غيورة ..
أمورة وجدعة صغيورة
البنّت اللي ف ثانوي دي فورة ..
وأنا حالف لازم هكسبها

على فكرة البنّت اللي ف ثانوي ..
لا نسيتهها ولا حتى أنا هقدر
وأنا هنسى إزاي طفلة بتقدر ..
تبقالي حبيبة وأم وبيت .. وحتة سكر !!

البنات اللي ف ثانوي شافنتي "متضايق"
نامت على كتفي .. وباستني ف خدي بحنية
وإزاي وياها بسيب نفسي ..
ويسيبني الحزن طريق عكسي ..
ولا مرة بخاف منها عليا !!

البنات اللي ف ثانوي قالتلي ..
"حبك" لكن بعينها ..
مش لازم فعلا أسمعها ..
ده كسوفها ده أحلى ما فيها

وحشتني البنات اللي ف ثانوي ..
مسحولة ف كام درس يوماتي
ده أنا حتى بفكر أخطفها ..
تبقالي حبيبتي ومراتي

البنات اللي ف ثانوي صحيح ..
طلعت بتغير من كل الناس
بتغير م الطفلة اللي ألاعبها
بتغير من إيدي أما بتبرد ..
وأشبعها ف إيدها اللي ف جيبها
بتغير من أي "like" من بنت
من أمي لما بتدعيلي



بتغير من طنط

بتغير م ريحتي عشان لامسة ..

جسمي من تحت - أي "T_shirt"

من قلب وضحكة ف "Comment"

بتغير م الساعة اللي ف إيدي ..

علشان الوقت أما بسببها

دا يا راجل بتغير ولدرجة ..

بتنسى ساعات إنني حبيبها

وزارتني البنت اللي ف ثانوي ..

في الحلم ونامت على كتفي

وقالتلي إياك تبعد عني ..

قلت لها أنا بيكي ومستكفي

فاكرين البنت اللي ف ثانوي ؟!

- عيونها بجد سلاح نووي -

مش خايف أبدا ل يصيبني



حثة خيش

كان قلبي حثة خيش ..
دايس عليها بنات
عدوا ولا اتعدوا ..
بعدوا كده ف سكات
كان كل واحدة تفوت ..
تهري الخيوط - حبة
كان كل واحدة تموت ..
بتسييلي فيه ندبة
غسلته من خطاياهم ..
ومحيت خطاويهم
بقى قلبي حثة خيش ..
ممنوع تعديهم
جيتي انتي بعديهم
طب ليه تعديهم ؟!
أنا قلتك من قبل
"قلبي معاديهم"
أنا قلبي حثة خيش ..
دايس عليها بنات
خطي عليه بشويش ..
تتبدل الخطوات



آن الأوان

آن الأوان إنني أعترف
- قربت أضيع -
قربت إليه - أنا ضعت فعلا مش كلام
والوضع أصبح مختلف
بالغصب قلبي بينحرف
ولا في سياج بيردني
ولا في علاج
الاحتياج بيهديني
آن الأوان بقى ترجعي
وترجعي قلبي لمساره وتلحقي ..
قبل أما ناره تنطفي
مش حقك إنك تحتقي
وحقني إنك ترجعي
مين اللي قالك ودعي !!
آن الأوان بقى ترجعي
بالحب بينا نصطفي



آسف يارب..

آسف يارب ..
ولكنني عندي سؤال
الانتحار ليه كفر ..
وإن كنت مؤمن ببيك ؟!
ولو الحصيلة صفر ..
العمر ليه مكتوب ؟!
أنا بس بشكي إليك
والشكوى شئ مرغوب

آسف يارب ..
طب ليه أعيش مغصوب ..
لو فرحي كان مسلوب ؟!
وأنت اللي رب قلوب ..
قلبي أنا تعبان
صدقني مش تخريف ..
وكلامي مش هذيان
أنا عايز أرجع إليك

يا رب ريحني ..
الانتحار ليه كفر ..
وإن كنت مؤمن ببيك ؟!
و"حوا" ليه م الأصل ..

مالت على "آدم"؟!
وإزاي دي "تفاحة"..
تبقى كده ذنبه؟!
وإن كان عصاك يا رب
ما تنزله وحده!!

يا رب يا عالم..
الخنقة وصلت هنا
والعيب أكيد عندنا
لكني مش فاهم..
طب ليه نزلنا الأرض..
إن كنا راجعين ليك؟!
والانتحار ليه كفر..
وإن كنت مؤمن ببيك?!



وياك

"أنا عُمرى ما قلت إن أنا خايف ..
غير بعد ما قلبي اتمناكي"
غناها "مُنير" وأنا وياكي
حسستها بجد عشان عارف
إن أنا لو توهت مش هلقاكي
"لو كنتي صحيح بتحبيني"
يمكن هتواجهي الكون كله
يمكن لو أروح هتشديني
أنا قلبي إزاي تبعدني عنه !!
"محتاج أطمئن مش عارف"
ف مرأيتي أبص ومش شايف ..
غير واحد تأيه من نفسه
الحُب حبيبتي بيشبه "حبل"
ماسكينه اتنين مع بعض لبعض
لو حد يسيب الثاني يضيع
وأنا عُمرى ما كُنت أقدر ع البُعد
أنا عندي سؤال جاوبيني عليه ..
- الحُب الزايد ليه بيذل ؟! -
على عكس المفروض والعادي
حبيتك حُبك ليه بيقل ..
وشوية هيصبح م الماضي !!



شكرا

شكرا للبنات اللي بتضحك ..
لعينيا وهى متعرفنيش
شكرا للولد اللي ف مرة ..
سلفني سجارة عشان معيش
شكرا للقهوة تسهرني ..
عشان أفكر الذكرى تعيش
شكرا لحيطان أوضتي وللشيش
عشان جدا بيحاوطوني

شكرا ..
لصحابي عشان فضلوا
واستحملوا مني ولازموني
شكرا للدومينو عشان بكسب
شكرا لأقلامي اللي بتكتب
شكرا لعينيا اللي بتكذب ..
لو حد بيسأل عن حالي
شكرا للبحر اللي بقابله ..
واحكيه براحتي بدون تكليف
شكرا للشتا وأما تمطر ..
عشان مبحبش حر الصيف



شكرا للطفل اللي بلاعبه ..
وبعيش وياه وقت عيالي
شكرا أحلامي برغم إني ..
مقدرتش يعني أحققها
شكرا للحظة اللي أسرقها ..
وأضحك م القلب بجدية

شكرا لحبيبتى عشان قلبي ..
اجمّد بجد أما فارقها
شكرا لحاجات مبتغيرش ..
لو مهما الوقت بيسرقها
شكرا لحاجات بتسيب فيا ..
الراحة بالوقت وأصدقها



مفیش داعي

مفیش داعي ..
تتاولوا الصبر لعيوني بكلام ماسخ
وأشوف الشفقة ف عيونكم على حالي
مفیش داعي ..
يكون محور نميمتكم شقا قلبي
وتأخذوا العبرة من تعبي وأوجاعي
مفیش داعي لمحايلتكم
محاولتكم أكيد فاشلة
مفیش داعي لضحكة زيف ..
بسوء النية توجعني
محدث فيكوا كان ينفع ..
ولا دلوقتي ينفعني
مفیش داعي ..
تحاولوا تعرفوا الأسباب
ومش فارقة كثير يعني
يهم ف إيه .. مين تبت ومين اللي ساب ؟!
هرد الباب ومش عايز أشوف ولا حد
هقولكوا كلمة بس بجد
أنا قلبي على استعداد ..
يخسر أي حد خلاص ولا حاجة هتمنعني
محدث فيكوا كان ينفع .. ولا دلوقتي ينفعني
❀❀

يا بنت الناس

يا بنت الناس ...

بلاش ميك آب .. بلاش البودرة بالكيلو
جمال البنت بساطتها .. وانتى أحلى من غيرُه
بيان ف الوش تأثيرُه .. عينيكى لما بيغيروا
وخدك حلوة تفاصيلُه .. قمر وناس

يا بنت الناس ...

بلاش ف شفايفك الأحمر .. أنا عايز أدوق سُكر
تملي الحلو لو يكثر .. بيقلب ضد

أنا مش ناسي إنك بنت
لكني أخاف .. عليكى من عيون الناس

يا بنت الناس

أنا عاشقك بدون حاجة
تملي روحي محتاجة .. تكون جانبك
وتسكن ف الهوا روحك
ما قولتش تهملنى ف روحك
لكن ع القد ببساطة

يا بنت الناس

يا ريت تخافى على نفسك
ك خوفك ع الشوكولاتة



وحشتيني

وحشتيني

ولو في فرصة نتقابل ..
ما هنطق غير وحشتيني
ولا هسأل عن الأسباب ..
عشان فعلا ما تعنيني

وحشتيني

ولو في فرصة نتقابل ..
ما هطالب غير تضميني

وحشتيني

ونفسي لو تسامحيني

وحشتيني

ولو طال الغياب لسنين .. ما هنساكي
ولو حلفوا بميت حلفان
وقالوا إن انتي نسياني ..
ما هسمع يوم لحلفانهم

وحشتيني

ومش هحلف علشانهم
لكن هحلف بأيامنا وأحلامنا
وكل وعود ف يوم كانت .. بتجمعنا
بكل دقيقة كات حلوة
وأي جراح بتوجعنا

وحشتيني

وعارفك مش هتنسيني
عشان مش سهل بصراحة
فراقنا يلزمه جراحة
يشيلوا قلبي جواكي
وقلبك يفصلوه عني

وحشتيني

وعارف الغلط مني
ولو راجعة - أنا عمري ما أكررها
مشاعرك عمري ما أكسرها
هشيلك جوه وجداني
هخبكي عن الحساد
هكونك سجن ..
وهتكوني انتي سجاني

وحشتيني

ولو بيننا بلاد وبلاد ..
هجيلك انتي على عيني

وحشتيني

وعارف إنني واحشك موت
تعالى رجعي روعي ..
يا روعي الحقيني بموت



بنت

في بنات بتقول "بحبك" باستفاضة
يعني مش كلمة وخلص
يعني مثلاً ..
تلقى أول حرف بادئ م الشفايف
وأنت مرة واحدة تسرح
وتسرق لحظة تخيل ..
لو شفايفك دي تكمل - الحروف من فوق شفايفي !!

حرف تاني جوا روحها ..
جاي من جواها جداً
"ح"رف بعد ال"ب" يكمل سيمفونية
يخطفك عطره بطريقة ..
الهروب منها لا يمكن

نيجي تاني للشفايف
بس "ب" وعليها "شدة"
يعني تسرح تاني مدة
وبعيونك رُوح حاضنها
امتلكها واحتويها
طفي جمر العشق فيها
ارتوي بيها ومنها
جوا روحك روح ساجنها
قبل ما تكمل ب"كاف"

بُصّ حالاً جوا عينها
تلقى نظرة بألف كلمة
لقطه تسوى ألف فيلم
عارف إيه ثاني أهم !!
لما فجأة ولا إرادي ..
إيدها تبقى بين إيديك
لما خافت وأنت ساكت
قلبها طمنها بيك
في بنات بتقول "بحبك" ..
وبعدها تدارى فيك



يا أم عباية

يا أم عباية ..
محتاج من صبرك "كوباية"
مفعولها يسري لسنتين
بالك أطول من "غنواية"
غنيتها الست ف ساعتين
بشرب واطّوح ف مرايتك
وبشوفك تسألني أنا مين
أنا عيل شيطان ف عبايتك
مش عارف رايح على فين

أنا بسهر ف الليلة ليالي
ما هو ليل العاشق مفتوح
أنا ساكن عشقك دا ف بالي
ومش لاقني الفرصة إني أبوح
تلميذ شباكه قصاد أوضتك
وعيونك تصحى بدوخ في الحال
متطفل مخبول بسيادتك
وكتاتلك يجي 200 موال

أنا عندي سؤال ... السكة لقلبك من فين !!
أنا تايه جدّا وبخبط .. إحساسي يكفي العاشقين
وف عشقك انتي أنا متلخبط



ساره

الوضع الحالي بيتلخص ..
ف أغاني حزينة وضلمة و zoom
على حيطه وشايل فيها صورتك
الموود مش قابل أبداً نوم
بكتب أشعار بس ف سيرتك
فناجين القهوة ف كل مكان
وسجاير مطفية ف درجك
لو كنتي "ليالي" فأنا سهرتك

البرد بيحضن خوفي يزيد
وبروح مواعيد ما فيهاش غيري
وباخدني وبطلع ع "الجامعة"
وأفكر اليوم اللي قابلتك

"ساره" اختارتيه اسم لبنتك
مع إنك عارفة بحبه إزاي
هو بيشرب قهوة زيادة
وأنا بشرب شاي
ولساكي بتتلخبطي بيّنا

ريحتي ف حضنك
طب ليه وإزاي !!
هو اللي معاكي .. أنا مش جانبك
لسه بتعشقي مواويل الناي !!؟

هو بيعزف غيري كمانجا
فياريئك تتعودي صوتها
ومشاعرك مين اختار موتها ..
مش كنتي انتي !!

روحتي وسبتي
كملتني وعودك مع غيري
وبنيتي البيت اللي أنا راسمه
اللي محاطك حالاً جسمه
اسمك دلوقتي وراه اسمه
و"ساره" اختارتيه اسم لبنتك
مع إنك عارفة بحبه إزاي

السر ف إنك فكراني ..
وتقريباً عايشة بتفاصيلي
القلب ف عشقه أقوى من العقل
ولا عمره يكون أبداً نساي



نظرة

نظرة حلوة
ثم غمزة
ثم كلمة ..
"انت أحلى بنت أشوفها"
ثم وقعت الضحية
ثم ضحكت .. ثم حنت
ثم حسست أيوه حبت
هاتي رقمك .. ثم أقابلك
ثم دابت ثم قالت ...
أنت عمري
ثم سهرت .. ثم غنت
ثم فرحت لما رقصت
ثم امتى هتيجي بيتنا ؟؟
عايزة أبقي معاك براحتي
ثم يهرب م الكلام
ثم يتحجج أوام
ثم عادي البننت تتعب
ثم هو عادي يخلع
ثم على غيرها هيلعب
ثم ليها رب عالم
ثم .. اللهم إني صايم



حائط صر

مش كل اللي نعوزه بناخده ..
ولا كل اللي عايزنا نروحله
في حاجات حلاوتها تزيد بالبعد ..
وفي حب بينتهي لو طولته
كام واحدة قالتلك بتحبك !
وكام مرة قابلت الحب برفض ؟
إزاي هتعيش وحدك ع الأرض !
هتعيش متعقد م الماضي ..
وتضيع عمرك ع الفاضي !!
دا مفيش بنوثة بنشبه حد
والبنت اللي زمان حبيبتها ..
حبت من بعدك وأهي عايشة
ما بنتش ف بعدك " حائط صد "
والحب اللي أنت رافض تنساه ..
بقي بالنسبالها حيطة بايشة
وبقي بالنسبالك " حيط مبكى "
وياريتك بتبوح بالشكوى ..
ولكنك رافض تتكلم
راهب رافض حب الغير
بيشوف الجنس الآخر شر
والوحدة وبس فيها الخير
بتصب الحزن ف كوابية

ويتشرب منها ومبتساش
السكة موصلتش نهاية
في حاجات تستاهل متعيشهاش
وحاجات تستاهل وكثير
مستعجل توصل للآخر !
ومفرط عادى ف أيامك ..
وبتلضم بس ف أيامها ..
ف العقد اللى عملته عشانها
لابسه وكانك عبد أسير



رسالة

رسالة .. ياريت ما تقرئها
عشان قلبك مايز علش
رسالة .. بقول أنا فيها
كلام ف وداعنا ماتقالش
عرفت أنا يوم ما سبتيني ..
هضيع بعدك
ودلوقتي بأكدلك
- أنا ضايع -
بموت م الخوف بعيد عنك
وفوق الوصف مشتاقلك
ونسيانك حاجة محالة
أنا ف حالة ..
غريب جدًا بدون قلبك
ببيان الذكرى مفتوحة ..
عليكي انتي
مشاعري وحيدة مجروحة ..
وفين انتي ؟!
أنا عنواني كان انتي
وكان بيقولوا .. أنا وانتي
حبيبتني وفي الدلع بنتي
وأمي في الحنان أختي

أنا يا حبيبتي كنت انتي
ومن غيرك "أنا" ماتكونش
ودا ملخص كلام ماتقالش
عشان قلبك ضعيف عارف
ودي رسالة ياريت قلبك ..
ما يقرأها عشان ماز علش

ملاحظة بسيطة وهنكمل ..
- أنا عيل جدًا على فكرة -
فشوفيني أصغر ما هبانلك
مش بشغل بالي في إيه بكرة
ولا باخد حاجة بجدية
ولا حتى يبان إنني أستهلك

أنا طفل طبيعي إنني أستهلك ..
ولا يصعب شيء مرة عليا
بكسر ف الحاجة اللي بطولها
وأستهلك وقت ف تصلحها
ولا حاجة بترجع كالأول
وأستهلك حزن اللي يقرب
وأستهبل وأتمنى يطول
أنا طفل بيهرب م الضلمة
وبخاف م الحاجة لتتحول

أنا تافه جدًا مش بقدر ..
لمشاكلي ف يوم أعمل قيمة
ولا عندي الوقت إنني أفكر ..
إزاي أعمل حاجة سليمة
أنا عادي هسيبك وهعيط ..
وأبلى عليكى ظلمتيني
ومع أول حد أنا هتشعبط ..
وأستنى إن انتي اللي تجيني
هطلب إن انتي تحبيني
وبيألك حبي لفترات
هعند هستهبل وأتمادى ..
تتعدي ف ضمن اللعبات
أنا طفل والطفل أناني ..
وانتي والله ما تستاهلي
أنا عادي نكمل وتعاني ..
بس أنا مش حابب تتذلي
فكري لو عايزة هتتسلي
لكن بالحب ماينفعشي
- ملاحظتي خلصت يلا امشي -



في المترو

وكم من بنت حبيبته
وشوفت ف عيونها الآتي ..
سرحت فيها ولقيتها
سرحانة زي حالاتي
يدور بينا حوار بالعين
تقول أنت اللي أنا عايزاه
وأرد على العيون حلوين
أنا بيكي اللي فات هلقاه
وننسى الدنيا حوالينا
وكلامنا بالعيون شغال
وبرسمها على مينا
وأغني ليها 100 موال
وفجأة عيونها بتكشر
تقوم واقفة على حيلها
وتمشي الخطوة وتأخر
ومش شايف أنا غيرها
وباب "المترو" أهو بيفتح
وتنزل منه في "القبة"
وأنا واقف كده متنح
كأنني أخذت 100 ضربة
ولما تنزل أستوعب
وأبص ف عينها بتلومني

وتسألني سؤال متعب
تشوفني تاني تعرفني؟؟
و ملحقش أجابها
عشان "المetro" اتحرك
ولو قولتلها هفتكر
أكيد يبقى أنا بهرج
أنا يا عزيزتي متعود
أحب فـ كل يوم واحدة
وأشـكل فيها وأجود
وتنزل أحس بالوحدة
ويطلع غيرها أشـكيلها
ونسرح في اللي نفـتكره
أنا تعبان من الدنيا
وحابس نفسي في "المetro"



حب عميق

بيني وبينها الحب عميق
ومع ذلك يمتاز ببساطة
- بدون تعقيد -
مثلاً أنا ممكن أعزمها ..
على ترمس أو حتى بطاطا
تزعل .. أصلحها بشوكولاتة
نتمشى ساعات وماتز هقش
تزهق من مطعم م الغاليين
"على فين يا حبيبي" متسألش
"أنا هبقى معاك لو فين رايعين"
طبعا بتقولوا دي فقرية
بتمثل حتى المثالية
- مانتوش فاهمين -
الحب حلاوته ف بساطته ..
مش بالتعقيد
الحضن الدافي أكيد أجمل ..
من حضن جليد
وتملي بساطة أي حوار ..
بتكون السر ف تكلمته
دلوقتي فهمتوا !!؟



صِرفَة

لما صدفة بفتكر ..
كم البنات اللي ناسي نصهم
بقول ياريت ما كان حصل
كان كلهم مشاوير
ف الآخر حضنتهم ..
والقلب عمره ما وصل
إحساس أستهلك ف الفاضي
عداد القلب كتير فوّت
وأنا فاكّر إن الأدرينالين ..
بيفوق قلبي ويتقوت
أنا كنت بزود تعريفته ..
مع كل زبونة بتركب فيه
مشاويرهم كانت مختلفة
مشواري أنا عمري ما قلت عليه
مش جاني أنا أقسم .. مجني عليه
من قبل ما تصدروا أحكامكم ..
أنا كنت الفصل وكنت الدرس
وكانوا تملي بيعملوا بيه
وصلوا لمكان وارتاحوا أهو فيه
وأنا قلبي اتحول للخردة
لما صدفة بفتكر .. وآخر مرة من مدة



فرحانة

فرحانة أوي بسحر عينيها ..
بتتباهى بيه وسط أصحابها
قالت نتراهن على واحد ..
من نظرة يجيلها ويعشقها
اختارت واحد من حظه ..
كان دايب أصلاً من بدري
وبيحلم لو يوم يصارحها ..
لكن بيشوفها يخاف يجري
بصتلته وضحكت واتمايلت ..
وعملت قال إيه مكسوفة
وعينه بتزغلل واتهللت ..
ومشاعره اتجنت ملهوفة
وفد عقله قال - أهى دي الفرصة -
ومفكر إنها مايلة له
مهديش ولا فكر لو لحظة ..
ورايح قال إيه هتقولها له
وبخطوة عاشق مشي ليها ..
وندها من وسط أصحابها
مد إيديه مستني إيديها ..
ضحكت كده جامد وأصحابها
واقف مش فاهم واستنى

وبصوت خواف قالها لها ..
- يا حبيبتي أنا عاشق بتمنى -
ودي واقفة مش على حالها
بصت لصحابها وبتقهقه ..
وقالت كسبانة أنا رهاني
وقالته بجد أنا آسفة ..
بنهزر وياريت تنساني
ما قدرش يخبي دموع عينه ..
ما نطقش ولا كلمة ساعتها
صعبان على نفسه دي تهينه ..
وللم أحزانه في سكتها



عاشق

تيجي أقولك إني عاشق
وانتي عادي تصدقيني
لأ كمان هتردي "عاشقة"
وبعد كلمة تحضنيني

أبقى ليكي حبيب مزيف
وانتي برضو توهميني
ولما أسافر أروح أصيف
كل حبة تكلميني
وتعملي غيرانة يعني
م البنات الحلوة اللي
ماشية تدلع تغني ..
ع البيلاج وعينيها مني

تيجي لما أكون لوحدي
أتصل ببيكي وأحكي
ولما تبقي برضو وحدك
من أبوكي ليا تشكي

تيجي نستعبط ونضحك
ع اللي ممكن يحسدونا
لما هيشوفوا انبساطنا
أو يحاولوا يبعدونا



تيجي نخرج !!

كل يوم فيلمين ف سيما

جوه كراسيها تبوسيني

ولما حاجة تموت قديمة

تيجي انتي وتواسيني

تيجي نعمل كل حاجة ..

ويا أي اتنين حبايب

عشق .. حيرة .. وبالسذاجة ..

ننسى إن الحب غايب

الغرام مبقاش جميل

مش زي ما شوفناه أفلام

أي قلب بات عليل ..

كان أساسا م الغرام



ساعة

ساعة وعقاربها خلاص ماتت
وردة ومحبوسة ف قلب كتاب
وقميص كان اسود بقى باهت
جوابات جواها كلام كذاب
وحنين متساب ..

كام ذكرى ف مطعم مش غالي
كام مرة مشينا على الكورنيش
البرج حبيبتي ماهوش عالي
أنا كنت ف حضنك بس بعيش
محفظة جواها كمان صورتك
وفلوس بالوقت مابتكفيش

سلسلة متعلق فيها اسمك
ولابسها تملي مابتسبنيش
الحب دا أوضة وكنت أنا باب
كنتي الشباك من غير الشيش

سبتيلي حاجات ومشيتي انتي
والهوا كان أجمد من سابق
سبتيني بخبط مش فارق
وحضنتي ف باب غيري المفتوح
وحاجاتك عايشة وحضناني
فكرت أنساها ومش بتروح



ملقتش الفرصة بأني أبوح
ف ياريت لو تبقي سمعاني
- يا بخت اللي ما ييات جارج ..
ويبات مجروح -



أنا غلبان

يا بنت الناس مانيش حاوي
ولا ف إيدي خاتم سليمان
يا بنت الناس أنا آدم ..
وسبت الجنة من سابق

"أنا غلبان"

محلتيش إلا قوت يومي
وكام ورقة وقلمي الجاف
وضحكة فيا مكتومة ..
عشان بتخاف

و ع الجثة "قميص بهتان"
قوليلي إزاي ...
هفكر فيكي بالألوان
وهلم ليه !!
وهو الحلم كان ببلاش !!
وهلم إيه !!
هشوفك يعني بالفستان !!

مهقدرش ..

دا كذب عليكي وعليها
دى كسرة قلب .. مش ليا
دا ليكي انتي



ما أنا قادر أشيد ف القصور عالي
وأطلع بيكي للسابعة
ونتمشى ف باقي السماوات
"بحبك" والطيور سامعة
وهرسم بالكلام خيالات
تباتي الليل ومخدوعة
ومستنية وبتدعي ..
وأصارك .. تبقي موجوعة
وتبقى دعوتك ضدي

ف م الأول مانيش حاوي
ولا ف إيدي خاتم سليمان
حقيقتي أهي و م الآخر ..
أنا غلبان



وسط البلد

وسط البلد ف كافيه
في المول .. الدور الثالث
هنصور يلا يا سادة
ممنوع الصوووووت .. أكشن
جرسون ..
أنا هتشرب قهوة زيادة
وهتشرب هي عصير
ولعت سجارة اتضايقت
دخانها خنيق وكثير
وبدأت كلامي معاها ..
أنا نفسي أكون وياكي
لكن أنا فاشل حب
حاسس جدًا بهواكي
وهواكي يشد القلب
ولكني بجد أناني
كل اللي معايا بيعاني
وبيزهق بعد أيام
خاين وضعيف بالفطرة
يمكن أهواكي لفطرة
وتعيشي معايا أحلام
وهسيبك تاني لوحدك

مش قصد لكن بغباء
وأتحمل وحدي أنا ذنبك
وهكون أنا ليكي الداء
هتروحي وتدعي عليا
وتقولي ظلمني الخاين
وأضيع من بس دعاكي
وأكون ع الكل أنا هالين
وأبقى الظالم والجاني
وانتي الصعبانة عليهم
وأعيش بعدين وحداني
وتحاوطك انتي إيديهم

ستووووب .. هایل یا محمد جدًا
دورك انتي يا بنوثة
مقالتش البنت كلامها
كان ردها دمة ف عينها
وقالتلي بجد بحبك
حضنتني وقالت حاول
وأنا هقدر أغير منك
قولتلها هحاول حاضر
ويا رب ما أبعد عنك
لكن كل اللي اتقال ..
بعديها بفترة اتحقق
حاول بس مفيش فايدة
ولا وعده ف مرة اتصدق



وأهي عايشة ف دور مظلومة
وهو الظالم والجاني
والكل بيدعي عليه
واتصدق إنه أناني

شكرا يا إخوانا وفرکش
ومفیش تصویر من تاني



شوكولا

شوكولا ..

وردتين حمرة وبيضة

بالونات سودا وجديدة

أي حاجة تطلبها

تحكي ليا .. أحكي ليكي

تشكي ليا .. وأبكي فيكي

وحضننا يكون الأمان

عادي نلعب .. عادي نضحك

تبقى شبهي ف الجنان

فسحة حلوة في الأجازة

ولو تخبي .. هجيب إزازة

وتلعب معايا الصراحة

أبقى دوشة .. وانتي راحة

أبقى عيل .. وانتي أمه

أبقى أبوكي .. وانتي همه

أبقى كل وأي حاجة

وتبقى ليا .. أحلى حاجة

كنت هبقى أحلى أخ

لو بجد ليا أخت

أه يا بخت .. أي حد ف بيته بنت



فكريات عايشة

ياريتك تاخدي أشيائك ..
عشان أقدر أعيش وأنسى
دي كل الذكريات عايشة
وأنا مش قد نسيانك
ياريت تاخدي كمان عينك
وحضنك اللي فيه ريحتك
وشعرك .. حلوة تسريحتك
وكل دقيقة عشناها
ياريت تاخدي هداياكي
دي باقية كإني وياكي
ياريت أقدر .. أنا مش قد نسيانك
أقولك خديني أنا معاكي
ونرجع تاني أحلى اتنين
عشان يرحمني دمع العين
ياريت يا حبيبتي نتصافى
أنا أصبحت م العايشين ..
لكن جوايا مش دافي
وبارد جسمي زي الثلج
بموت ف الليلة ميت مرة
وروحي كت زمان حرة
ودلوقتي كإني ف بنج
ياريت تاخديني عنوانك .. أنا مش قد نسيانك



روشتة حب

لعلاقتك بالبنت روشتة
أقراها ويمكن تدعيلي
البنت أساساً عندي
تضعف قدام "تسمحيلى"
اضحك سمعها الأغنية
غني لو قالت غنيلى
البنت تحب المدادية
وتحب تشاركك ف حياتك
إياك لو لحظة تهمشها
أو تبعد عنها ف أحزانك
صوتك لو عالي هيضعفها
هتخاف بالوقت تقربلك
بشطارة وحب تحسسها
إنها كأميرة ف مملكتك
الحل السحري معاها الورد
بمناسبة أو حتى بدون
دفيها ف حضنك وقت البرد
وفاجئها واعمل مجنون
البنت بتضعف بالوحدة
وبتقسي إن حسيت إهمال
ببساطة البنت كما الورد
اسقيها هتطرح ف الحال



وبر منحول

شعره وبر منحول
وشه مالىه الشق
الفرح فيه مقتول
ضايح بكلمة "لا"
ياقة قميصه خيوط
مغسولة 100 مرة
مضروب بـ 100 شلوط
من جوه ومن بره
وكام رقعة مرصوفة
في البنطلون الأسود
ووسطه كام بوصة
من غير حزام يسند
أنصف ما فيه بالطو
لأبسه لـ رابع شتا
من حد كان شاحته
وشاحت معاه الغطا
والجزمة من غير نعل
دايبة من الشحططة
من غير لا أصل وفصل
إيه آخرة المرمطة !!
أكله من الشارع
مش قصدي كنتاكي

ولا شورية وكوارع
والمرقة في بواكي
قصدي زبالة الناس
هي اللي فيها الغدا
لو حتى كان متداس
وفد علبة واكلها الصدا

الوصف كان مؤلم !!
دمعتكوا نازلة عليه !!
طب مين فيكوا بيرسم
الحزن جوه عينيه !!
يا سادة دا إنسان
اسمه ف سجل البلد
شايفيه ضعيف غلبان
وأنا شايفه بقى ما اتولد



هتصرقي!!



وقالتلي لما اتترفزت ..
"أنا مش حروف ف قصيدة فاشلة كتبتها"
هتصدقيني !!
كل الحروف صادقة ..
إلا حروف اسمك
كل الحاجات بادئة ..
ف الأصل من جسمك
تتباهي ليه برسمك !!
كل البنات "حوا"
وأنا مش واحد عاكسك
يا بنتي أنا بتاع زمان .. ولا نسييتي !!
كنتي يادوب داخلة على إعدادي
كان الجمال واضح ..
ولكنه كان هادي
ولا كنتي بالمونكير
ولا يوم عرفتي الروح
ولا حتى كنتي عرفتي ..
الماسك أبو زبادي
أنا اللي كنت البطل ..
ف رواية العشاق
أنا اللي كنت الأمل ..
من "عطفة" جواز قاق

أنا اللي أول مرة لما كبرتني ألمحك ..
وشك ضرب ألوان
عيني ف عينك كده ..
لبستي ليه فستان ؟!
إلا عشان تبقي كبيرة ف عيوني
وانتي اللي لسه الكعب كان - بيكعبك
يا بنتي يا صلصال ..
دا أبوكي رباكي - وأنا اللي كنت بشكلك
دلوقتي غروكي ..
المعجبين بيكي !!
دلوقتي أنا كخة ..
ماعجبش معاليكي !!
طب روعي يا شاطرة
اتباهي بالخطوة
على قد نياتك .. يا رب يديكي



لقطة وراما

وبحب البنت اللي تعيط ..
على لقطة دراما ف فيلم قديم
وبحب البنت اللي تطبطب ..
مشاعرها بريئة إحساسها سليم
وبحب البنت السيادية
وبحب البنت العندية
وبحب البنت الرياضية ...
يا سلام لو تقعد جنبي ف مآتش
وبحب البنت اللي ماتقدرش ..
تشوف محتاج ماتمدش إيد
وبحب البنت اللي ماترسمش ..
تتعامل عادي بدون تعقيد
وبحب البنت بدون مكياج
وصريحة تملي بدون مونتاج
وبحب البنت المجنونة ..
تنزل ف الشتاء على أي بيلاج
وبحب البنت اللي بتضحك ..
ولا تعرف معنى التكبشيرة
وبحب البنت اللي بتدي ..
للناس الفرحة بتأشيرة
والبنت المجنونة بغيرة
والبنت المعروفة بسيرة ..

إنها لو جدعة بميت راجل
وقوية بجد ماتتتهزش ..
وساكنها إرادة كمان تصميم
لكن بتعيط لو شافت ..
لقطة دراما ف فيلم قديم



آخر كرسي

كان مستنني ف آخر كرسي
كانت قايلة جاية أكيد
بدأ الفيلم ولسه ماجتش
كان البرد ف جسمه شديد
كان بيشوف البعد بعيد
عقرب ساعته ماييمشيش

كان الفيلم حكاية بنت ..
بتاخذ لكن مابتديش
كل الناس ف القاعة حزينة
حزنه يزيد بمرور الوقت
قام م الخنقة شربله سجارة
جائله مكالمه قالتله "زهقت"
ردة فعله "كمل فيلمه"
شايف نفسه ف دور كومبارس
واحد م اللي البطلة قالتله ..
انسى وخذ من وضعك درس

لسه هيبكي ف آخر مشهد
حصلت حاجة قالتله stop
آخر واحد جرح البطلة ..
جالها نزيف ف جدار القلب
عاشت تخدع ولما اتخدعت ..

شافت موت كل اللي اتخدعوا

أصل الدين مهما يطول وقته

لازم يجي ف يوم يترد

قام مبسوط واثق ف الجاي

عارف حقه هياخده أكيد

شال تذكرة السينما بتاعته

لما يقابل حد جديد



وحشتيني ومستني



هو أنت جاى ف إيه !!

- قلت اللي جاى أنا فيه

وحشتيني ومستني

وكان ليا بإني أختار ..

ف يوم إنسان يشاركني

نعيم الجنة وجمالها

فأنا اختارتك

وربي وعدني هتجيلي

ولا تاني هيبعدني

ومش ندمان أنا خسرتك

ف دنيا وقتها زایل

هنا دُنْية الدايمين

استنتي حبة كمان ملحقتش أشبع شوف

- حبيبتي هي ظروف

مسموحلي بس بوقت ..

أطل ع الغاليين

طمني عامل إيه !!

- فوق مفيش أشرار ولا ناس تسب الدين

الناس هنا المساكين

وكمات هنا الصابرين

هتلاقى شبه جدك ..

وناس كثير عيلتاك
من اللي عاشوا سنين ..
كان ضلهم حيطة
اللي ما سرقوا الناس
ولا ظاطوا في الظيطة

هنا الشباب اللي ..
ثاروا ف وش الظلم
وسبّوا ف الظالمين
هنا اللي كرهوا الذل
ما قالوا مرة "أمين"

هنا مفيش خاينين
هنا مفيش واطيين
ولا حد لا مؤاخذه
هنا اللي صانوا العهد
بالقفل والرزّة
هنا مفيش جاعنين

أنا نفسي آجي وأشوف
- متستعجليش وقتك
كله ف مصلحتك
على قد صبرك ع البلا
على قد ما هتاخدي
هاتي بوسة على خدي
- ضحكت بكل حياء -



استنتى لما آجي ومن تاني أعيش ف دفاك
- يلا سلام دلوقت
هفضل أعد الوقت لحد ما تجيلي
الحُوريات بالعدد ..
وانتي اللي تحليلي
- سلام يا أجمل حد كانلي وهيكونلي ..
ما تنسي تدعيلي



جلالو شفاف

- خايف تقابل ربنا ؟!
* وهو إيه الخوف أساساً
ما أنا خوفت ياما
والخوف دا أقرب للخيانة
ف بلدنا واخد حقّه جدّا
تحسّه ركن من الديانة !!
بتخاف ف صُغرك
من كل حاجة لتتضرب
بتخاف ف تعمل الغلط
وتتضرب وتتضرب
لحد ما تهوى الغلط
وتحب جدّا تتضرب
ويخوّفوك ..
مثلاً ب أوضة الفيران
وأنت معجون شيطنة
ف تحب تلعب .. والغلط ..
أسهل وسيلة ممكنة
تكبر شوية الخوف بيكبر
ذاكر عشان متتضربش
ف متذاكرش
عشان الوقت والتفكير ..
ضايع ف فكرة إني أخاف

"جلاد شفاف" !!

وأنا أجيئه منين بس يا أبله ؟!
ف تخاف م الأبله ف ماتجيش
والحصه تضيع ومتفهمش
ف تخاف من ورطه آخر الشهر
وتلاقي الكحه دي بتنور

"اليه نور" !!

يا والدي دا كان مش بمزاجي
"محبوس ومفيش بكره النادي"
ف تخاف ل صحابك يتصلوا
والحاج يرد "دا مش نازل"
ويقولوا عليك عيل فالصو
عن حقك دايمًا متنازل
ف مابتروحش من ثاني عشان ..
محدث فيهم يتريق
ف تخسر معظم أصحابك
تكبر حبه وملكش أصحاب !!
ف تخاف م الوحدة وعمايها
ف تبان "مجنون" !!
أو ماشي جبان زي "المسجون"
ف الجامعة ف شغلك ف حياتك
خايف دايمًا
والخوف إن جه مش بيبييك
خايف !!

فـ تخاف الخوف ميروحشِ

فـ مايروحشِ

زي السكران لما بيشرّب

بيقولك دايماً "أنا فايق"

تقولّه "امشي" ..

فـ مايرضاشِ ..

بيخاف لبيان إنه سكران

فـ بيفضل دايماً فـ مكانّه

ماسك كاسّه ..

بيحاول ينسى اللي بيوجع

فـ بينسى بيشرّب ليه أصلاً

من كُتر الخوف اللي فـ قلبه

إنه ماينساشِ ..



صباح الخير

صباح الخير على القهوة
وعلى سجايري و ع الدخان
و ع الشمس اللي بتفتّح و ع الألوان
وعلى صوت الهوا بيحرك الأغصان
و ع العصافير و ع الغربان
صباح الخير على الكروان -
بصوته الحلو يشجيني
صباح الخير على عيني وعلى عينها

صباح الخير - أغنيها
و ع الناس اللي سهرانة
و ع الناس اللي شقيانة
بتصحى تملي م النجمة
صباح الخير على بلدي وعلى نيلها
وعلى كل اللي فارقتها
وليل ونهار يحنّها

صباح الخير بدون أسباب
وليه مانكونش متفائلين !!
ما يمكن تيجي ع الأبواب ..
حاجات تدينا أدريالين



شوارع وبيوت

جواكي شوارع وبيوت
وببيان مفتوحة على البحري
جواكي سلالم بخيوط
وأنا نفسي قصير مش بجري
أنا أصلاً عاجز بتعكز ..
على روحك بتزيد تعجيزي
والعجز أساساً بينرفز
مش نافعة بتأتا تعاويذي

جواكي زحام مع ناس ياما
مع قلب رخام مش حاسس حد
وعيونك شبه الدوامة
بتشد - تغرق وقت الجد

صليت الجمعة وبرضو الحد
وبنيتلك جوه ف قلبي مقام
بسهولة مقامك ليه اتهد !!
من بعد السلام ..

أنا أضعف من إنني أسيبك
وتملي العاشق قلبه ضعيف

لو بس توجهي تركيزك ..
هتلاقي العشق ملوش تصنيف
مش يبقى جزائي أكون من ضمن ..



كام واحد مستتي إشارة
أنا ممكن عادي ف لحظة اتجن
والنفس أساساً أمارة
فحبيبي .. وشوفيني لوحدي ف مراياتك
خليني أعوض كل ما فات
لو هسكن عمري ف خيالاتك ..
بمشاعري هسد بيوت وخانات
وهكونك قصر وحضن وأهل
وهكونك سهل بدون تعقيد
يا حبيبتي الراجل أصلاً طفل ..
ولا يقدر أبداً يبقى وحيد



عايزك لقلبي وطن



أنا لو بقول بهواكي
ف أنا عندي مليون سبب
حياتي لو وياكي ..
بتساوي أطنان ذهب

غريب وجيت وطنك
عايزك لقلبي وطن
بردان وفين شمسك
تحميني باقي الزمن

يا أميرة فوق عرشك
شايقة القلوب من فوق
بتمنى أكون جنبك
عاشق وأكون معشوق

لفيت بلاد رحال ..
ما قابلت يوم حُسنك
كل اللي شوقته جمال ..
ولا حد فيه سحرك

ولو عشت بتغزل ..
يا حبيبتي فيكي سنين
نهار ف ليل يوصل ..
ولا يغفى رمش العين



أنا عمري ما هيكفي ..
وهكون أكيد ظالمك
ياللي انتي سحرك يشفي ..
قلبي اللي عاش عاشقك
وافقي على طلبي
واقبليني زوج
مهرك يكون قلبي
فيه الحنان ممزوج
بالحب والطيبة ..
والعطف ويا الشوق
يا أميرة فوق عرشك
شايقة القلوب من فوق
بتمنى أكون جنبك
عاشق وأكون معشوق



أكثر واحد ساب واتساب



أنا عارف إن فراقنا مجاش ..

م الفاضي ومش معمول له حساب

لو قلت نصيب أبقى أنا كداب

أنا أصلاً مش مفروض أعشق

- أنا أكثر واحد ساب واتساب -

من تالّثة إعدادي بشوف البيت ..

ف زيارة كل خميس جمعة

في سنين قضتها ف ثانوية

وسنين تانيين ضاعوا ف جامعة

"يا أمّا أنا تعبان "

ليه مش سامعة !!

ف الآخر راح من عمري بلاش

- مين عاش تجربة مكنتش عذاب -

أنا فاكر لما "حليم" اتساب ..

من "شادية" زمان بعنتله جواب

إزاي بسهولة تفارقيني ..

برسالة ع الفيس أو شات واتساب !!

عامليني يا ستي بحبة زوق ..

واحترمي سنيني ف دنيا العشق

- دا أنا أكثر واحد ساب واتساب -

خناقاتي تملي مع أصحابي ..
علشان بعائبهم ف غلطهم
ما أنا نفسي أشوفهم قدامي ..
وأفرح وأتباهى إن أنا منهم
لكن بعتابي بكون غلطان
والحال يتبدل أسوأ حال

يا أسيادنا بلاها نعيش ف هباب
- ادخل وإذا تسمح سيب الباب -
ممکن تخرج وتحصلهم

البنـت جارتنا السنيورة ..
اللي ف حـتتنا تهـز "شـباب"
وإن جـت طلبـت أيـها خـدـمة ..
بتـلاقـي قـصـادها رـجال وشـباب
حبـتني عـشان مش زيبهم
واتشـدت للـتقل ف طـبعي
اتـصدمت جـداً من رأـي
وهـبـك ليـه وأنا متـفارق !!
- أنا أكـثر واحـد سابـب واتـساب -



باسورو

ولسه الباسورد باسمك
وبنام وأنا راسي فوق جسمك
وشفايفي بتصحى وتهمسلك ..
"أنا لسه بحبك مش ناسي"

أنا لسه بعيشلك وعشانك
وعليكي بقول أهلي وناسي
وكان نفسي أكون فعلاً أهلك
م الآخر بس بقولها لك ..
"والله أنا جدًا بشتاقلك"



relationship



... in relationship with

عينها ورموشها اللي تسحر

رغم خوفها المُستفز

بس أبعد .. لا مش هقدر

مش هسيبها غير وهي ..

جوا حُضني وبين أيديا

هي إيه بس القضية

إن أنا محتاج لحظ



طموحي

طموحي مريض بيتعكز على حلمك
ولا أملك أنا غير قلب
وحبة أوسمة ف الحرب
وخوف م الجاي
أنا وانتي سؤال "إزاي" !!
ومين سائل ف أرواحنا ؟!
حبيبتى الضمي جراحنا ..
وهاتي الجاي

طموحي مريض بيتعكز على حلمك
وبتعكز أنا بحضنك
وأتوه جدًا وأدوب جدًا ..
زي السكر الدايب ف قلب الشاي

الحب بالنيات



وبحبها طبعًا ..
- بس السؤال "هي" ؟!
بتحبني نية
والحب بالنيات !!
- قادر تحب سكات ؟!
الحب مش قوالات
الحب مش روايات
ولا كام قصيدة شعر ..
مترتبة أبيات
الحب عين بتقول
"يكفيني أبصلها"
- دي حكاية صعبة أكيد ..
تقدر تكملها ؟!
أقدر مادام عاشق
والعشق له حكايات
والحب لو تدي ..
قبل اما تتنطق "هات"



قلوب فخار

ف القلب خبط
ف العقل خبط
والجسم مش دريان
عرقان حزين - بردان !
الفكر مش موجود
إدراك بقى محدود
والقلب ع الميزان
موجوع ضعيف - ندمان !
يا محسنين لله ..
يجعل قلوبكوا عمار
يا موحدين بالله ..
إيه كتر الكفار ؟!
قلوبنا ليه فخار ..
النار داستها بشد
غبار ف وقت الجد
ووقت ضحك كتار
يا محسنين لله ..
بشحت قلوب أخيار
يا موحدين بالله ..
الموت مسافته نهار



أنا وشي حلو

أنا وشي حلو ..
على أي بنت عرفتھا
حبتني هي ..
أو كنت أنا اللي بحبھا
فارقتنی هي ..
أو كنت أنا اللي فارقتنھا
طب افهموا ..
بعد أما بتدوق العذاب
بتخاف أوي على قلبھا
ولذلك بتفكر جامد
وبترفض واحد ورا واحد
وبيجي اليوم تختار الصح
وتكون الفرحة ف وقتھا
وبذلك - وشي يكون كده حلو
على كل بنت فارقتنھا



قلب الليل

أنا آخر ساعة ف قلب الليل ..
مفيهاش ولا لحظة تكون دافية
أنا قلب ضعيف دائماً بيميل ..
لقلوب ف الغالب مش صافية
أنا باين أكبر من سني
كام شعرة ابيضت ظالميني
أنا كل اللي أنا حبيتهم يوم ..
مسابوش غير جرح بيألمني

أنا برسم ضحكة ف أي مكان ..
وبخاف لما أضحك زي الناس
يعني من الآخر أنا غيرهم ..
وبعيش بقشيشي على الإحساس



حُضْن شامِل



محتاج دُعا
أو حُضْن شامل طبْطبة
أو تاني أرجع للصبا
وقت الدموع مش عيب
محتاج دُعا
أو ضحكتين ف الغيب
محتاج بجد أغيب
محتاج أعيد ترتيب
لحاجات عاملها بغبا
محتاج دُعا
وحُضْن شامل طبْطبة



متخافيش

متخافيش ..
هكون أحسن وهقدر أعيش
وبعد شوية هلقى البر
- أقولك سر !!
أنا مالأصل "عيل فقر"
مفيش ولا واحدة حبتني ..
وعشنا فحبنا ليومين
تملي شوية وتسبيني ..
وبرجع "حر"
يا بنتي العيب دا مش فيكي
- بقولك فقر



البلونة

وكانت لما توحشني ..
أروح فجأة على بيتها
وم البلونة تلمحني ..
تخبي وشها بإيدها
وأكلمها على التلفون
تقول امشي - إيه ده يا مجنون
ولما أمشي تقوم تنده ..
تقوللي استني مش تمشي
أقول مجنونة ف تقوللي ..
أنا تلميذة مش أكثر
أنا اتعلمت فيك أسهر
ولو لازم أقول يعني ..
حبيبي جنانك الأكبر



صرفة

لما صدفة بفكر ..
كم البنات اللي ناسي نصهم
بقول ياريت ما كان حصل
كان كلهم مشاوير
ف الآخر حضنتهم ..
والقلب عمره ما وصل
إحساس أستهلك ف الفاضي
عداد القلب كتير فوّت
وأنا فاكّر إن الأدرينالين ..
بيفوّق قلبي ويتفوّت
أنا كنت بزود تعريفته ..
مع كل زبونة بتركب فيه
مشاويرهم كانت مختلفة
مشواري أنا عمري ما قلت عليه
مش جاني أنا أقسم .. مجني عليه
من قبل ما تصدروا أحكامكم ..



تنويه

ماسكة التليفون مستتية
بتسمع كام غنوة تفكرها
مش ناسية ولكن منسية
وعنيها بالدمع هتخسرها
بتصبر نفسها بكلمة ..
كان دايمًا يجي يقولهاها
وبتفضل بليل ف الضلمة
تحضن كام صورة سايبهاها
القصة حقيقي وبنشوقها
والراجل ف نظرنا شيطان
البنات المتسابة يا عيني
من واحد غشاش وجبان
طب شوقفوا ف يوم واحد متساب ..
اتخان من بنت بوش ملاك ؟!
تنويه للسادة .. دا أقسى عذاب
يشبه للورد ف وسط أشواك
الراجل بس إن بان جامد ..
بيكون جواه طفل صغير
الصبح بيظهر 100 واحد ..
بليل من خوفه بيتكسر



هسيبك وهبعر

بجسمي اللي بان ..
قدام كتير أوي م البنات
بقلبي اللي داب فجأة وبعد سكات
بعقلي اللي مات
بقلمي اللي قال
بورقي اللي شال
وأي مكالمة فيها اختلاف أصوات
بسكة شارعنا ف وقت العصاري
وزحمة لكل اللي باع واللي شاري
وكل الحواري
وستي اللي ماتت ..
وقبليها قالت ..
"لا ينفع يبص ابن جاه للجواري"
وآديني حلفت بجميع حلفاناتي
أنا قلبي مني بيكره سكاتي ..
ف انسي اللي فاتتنا وانسي اللي آتي
هسيبك وهبعد ..
وهبنيلي معبد ..
أصلي لأجل إن تخلص حياتي



الشتا

الشتا بالنسبة ليا فيلم رعب
الليل طويل والكادر دايماً في الضلام
وحاجات تفاجئك
والبرد ماسك جتتك وملبشك
وكأن لابسك جن مؤذي
وأى صوت حواليك بيخرم ..
طبلّة الودن الشمال
نبض قلبك يشبه الليل عند ترزي
عمال يرزح جوه مخك
والخيال دايماً بيهذي
الشتا بالنسبة ليا احتياج
اعتراض على أي فكرة وارتابك ..
ابتعاد عن حتى فكرة الابتهاج
الشتا زي السياج
يفصلك عن جوه منك .. يبعدك عنك بعيد
الشتا بحب النبيت .. والمومسات ..
اللي يبيعوا الحضن بالأموال
ولا تربطك بعيال .. ولا عايزة منك بيت
الشتا بالنسبة ليا فيلم رعب
الليل طويل وعتيت



شتا المجروحين



المجروحين دايماً يزدوا ف الشتاء
والورد زي الناس ..
ف الخريف واقعين
أبويا قاللي زمان - كل البشر خاينين
لكن فتحلي مجال - أعرف شمال ويمين
الصيف يحب اللمّة
والبنت شوقها ربيع
والشوق يساوي حنين
رغم البشر خاينين زي أما أبويا قال
لكنك انتي متشبيهيش تانيين



آخر صف في السيمة



آخر صف ف السيمة ..
بيكون مُفضَّل ..
بالنسبة للعشاق
لأجل الإيدين ما يتمادوا بكسوف
والجسم يبدأ يرتعش
والخُصن يبقى إجباري مش اختيار
لأجل الهوا والنار
والبوسة اللي بخوف
وآخر حاجة يتمنوا يشوفوها ..
كشّاف بينور ف الضلمة
بيدور بينهم على كرسي
وآخر حاجة دايمًا يشوفوها ..
كلمة "نهاية" نازلة بعد التتر
العشق يا إخواننا مش بالقصور والجاه
دا كفاية متر ف متر



في قلبي مكان

ولعلمك لسه أنا بدعيلك ..
وماشيلتش صورتك من أوضتي
وبخف هزار مع قريباتي
وماشددش شعر البت أختي
علشان بتغيري فبراعكي
لو حتى خلاص اسمك كنتي
وبشوفك ف الشارع دايمًا
وكمآن بليل جنب النجمة
النجمة اللي أنا كنت جاييها
لما انتي نطقتيلي الكلمة
الكلمة اللي أنا عشت أتمنى ..
تقولليها علشان تبقي حبيبتني
ولعلمك لسه ف قلبي مكان
مكتوبلك لسه عليه اسمك
ولعلمك هفضل مستنتي ..
علشان مش قادر أشوف بعدك



رسالة أوجاع

رسالة لكل واحد باع
لناس مبقيتش ع العشرة
رسالة لرحلة الأوجاع
وبان بعديها مين قشرة

إلى كل اللي نسيوني
وكان الوعد بس كلام
إلى كل اللي جرحوني
وهدموا بأيدهم الأحلام

إلى صاحبي اللي كان كداب
إلى حبيبتي اللي جالها عريس
إلى السايبين بدون أسباب
إلى اللي شتمني هنا ع الفيس

أنا هفضل كما سابق
بسامح وأنسى مجرحتش
تحية لكل من فارق
ولو سلمتوا مش همشي



مرأيتك

اشمعني مرأيتك شايفاكي
وبتقفي قصاها ساعات وساعات
والفرشة بتتمشي ف شعرك
وبتلمس خدك ليه أوقات !!

اشمعني سريرك يدفي
بحرارة جسمك ومشاعرك
وعيون باب أوضتك تتخفي
وبتفتح دايمًا على سحرك

اشمعني إخوانك حواليك
شايفينك ب"الكات" وعادي
اشمعني تكوني وأكون بيكي
ويكونوا الحاضر والماضي

اشمعني حاجات وحاجات وحاجات
هتعدني تلاقيني إنني بعاني
أنا عايز أكون كل الأصوات
وصوتك بس دا ف وداني

"اشمعني" دي غيرة ومش أكثر
وحقيقي ف حبك أنا أناني
الحب اللي ف قلبي بيكبر
وبيصغر سني يا عشقاني



كيدهن

"إنَّ كيدهنَّ عظيم"
وعظيم أوي
لكن بيجي ف وقت جرح ..
البنات غصب بتتطوي
والضلمة بس بتبقى حل
وعروسة لعبة بتبقى حزن
ومخدة قطن
طبيعي يعني - الكسرة "ذل"
ومعادلة الحب البسيطة ..
على قد ما حبيت أوي - تتعب أوي
ومقابل كل حلم حلو - كابوس غبي
❀❀

عيونها

غريبة عيونها لو طالت
غصون الشك ف عيوني
فبتخيلي ف ظنوني
بيادوب ضحكة

عيوني تتقلب ورده
وبهديها لعينها قوام
وأقول - آسف -
حبيبتني الحب لو يوصل
مداه جوا بني آدم
طبيعي يتقلب خايف

طبيعي الغيرة جوايا
وفرق كبير ما بين عاشق
وبين زايف



عيونها بحر

وعيونها بحر جميل
ورموشها رملة وبر
وراسها لما تميل ..
بسرح وأنا مضطر

وخذها النائم وشعرها الناعم
خلوني متوتر
يا ملكة جمال قلبي
حني على قلبي

أنا اللي فيكي غريق ..
ولا عارف أوصل بر



هتجوزك



هتجوزك يعني ..
تبقيلي بيت وأرتاح
حُضْنُكَ يداوي جراح
قلبي يعيش ف براح
ف عيونك الواسعة
تبقيلي أم عشان ..
أعطش ألاقي حنان
وبعد الشهور تسعة ..
تبقيلي بنتي وروح
وقت أما أقول يا جنان
هتجوزك يعني ..
وقت أما أخاف أجري
ألاقيكي ليا أمان



قصة ملتوتة



مابتتمش على صوتّه
وتنهيدّته مع سكوته
مابتتمش خلاص أصلاً
ودا من يوم خبر موته
وعايشة لسه ع الذكرى
بتتمنى كمان موتها
تداري الحزن ف سكوتها
وتتونس بقى بصوته

مابتشوفش خلاص بعده
وتعبانة أوي ف بعده
سندھا كان وكات سندھ
وكان أجملھا حدوتة
ولو تسأل "هتسييني!"
ردّه "الموت وحده ياخدني"
وأهو صادق ف الوعد وديه..
نهاية قصة ملتوتة

الحب مماتش معاه لكن
بيزيد ومع الأيام ساكن..
جواھا وهو أكيد حاسس
يجمعهم ربي ف ملكوته



جواويت

جوا القلوب "جوا ديت"
جوا البنات "حكايات"
جوا الولاد "بنانيت"
جوا الكتب "كديات"
جوا الحروف "تفاصيل"
جوا السلام "كلمات"
جوا العيون "تسبيل"
جوا الليالي "سكات"
وجوايا ليه مققول ؟!
ولا حاجة يوم بتبات ..
أما اللي مش معقول ..
قلبي بقي "معاشات"



عَيْل

أنا عايز أرجع عَيْل
أحلامي تكون على قدي
مثلاً أطير طيارتي
وأتمنى أطير وياها
أنا عايز لَمَّا أُعْطِ
الصبح دموعي أنساها
كان خوفي الأكبر لَمَّا
أنزل درجات ف العربي
وشهادتي ما تعجب مامتي
وأتعاير سنة ع خييتي
أنا عايز ميس "كاريمان"
تتباهى بأني الأول
أنا عايز "سارة" حبيبتي
وأرجع من ثاني الأعبها
نقسم مصروفنا عشان
نفطر مع بعض يوماتي
عايز أرجع مخنوق
علشان بصحى الساعة ستة
ودي أزمة كل حياتي

أنا عايز أرجع عيّل
وأفرح وبدون ما أتخيّل
إن الفرحة ما بتدومش
وإن دي أجمل أوقاتي
وخلص الله يرحمها



عافر

متصدقوش الكُبار
لو حد قالك عيب
أو قال ف يوم ميصحش
أصل الوقار والشيب
مش شرط ماتلطش

كل اللي قال دا حرام
كان جرّبه قبلك
هو أما صلّى وصام
كان قبلها شاتمك
صدّق وبس أمك

وبرضو مش دايمًا
خوفها عليك أوقات
هو اللي عاش خانقك

صدّق أبوك لما ..
تشوفه مش قادر
كُتر الشقا خلاه ..
بالدنيا دي كافر

صدّق أخوك عافر
علشان يكون قيمة
صدّق الشحات وممثلي السيمة



متصدقوش الكبار
دول بالغلط كبروا وصدقوا الأوباش
دول ماتوا وانتذلوا



يا عجباني

يا عجباني ..
بلاش خوفك عليا يزيد
أنا راضي أوي إني ..
أحبك من بعيد لبعيد
وراضي كمان بحرمانني

يا عجباني ..
وعاجبة القلب من بدري
فداكي يا ستي توهاني
أنا راضي كمان إني ..
ألف الدنيا على رجلي
وبوصلة عيني خلخالك
يا أحلى من بنات عمك
وأصبي من بنات خالك



حب هستيري

طبيعي البنت لو حبت ..
بتدي بشكل هستيري
بتبقى الأم والصاحبة ..
وبالغيرة نظام ميرى

طبيعي تكونك كوم إحساس ..
يزيد عن أي بني آدم
بنات حوا أساساً جنس ..
يحس الحب فيآمن

ف سبحان اللي صوّرها
وخلق فيها حنين دايم
ومهما الوقت كبرها ..
منستغناش أنا وغيرى



حوار

- إن بعض الظن إثم -
ليكي جوا قلبي اسم
والخيانة لازمها جسم
وجسمي كان دائماً معاكي
يبقى خُنت إزاي وامتى !!
- إن بعض الظن إثم -
وبعض تاني بيبقى حق
والخيانة ساعات بروح
مش لابد تكون بجسم
يلا روح متقولش لأ
حُبك أنت بجد إثم



شكراً

لأكثر بنت حبتني ومحبتهاش
وأكثر بنت حبتها ومحبتنيش
لأبويا اللي منيش شبّهه
وأخويا اللي ميشبهنيش
لأمي اللي متعرفنيش
وهي اقربلي من روعي
ل "أحمد" صاحبي ول "أودي"
و "إسلام" اللي لسه ف جيش
لكل ركن ف جروحي
لكل الناس ف حتتنا
وكل زميل ف مدرستي
وأيهما حد كلت معاه ملح وعيش
أنا عايز أقول شكراً
عشان فعلاً أنا مبسوط
بكل دقيقة وياكوا
أنا رغم اختلافنا بعيش
على الأوقات وذكر اكو
أنا مهما هقابل ناس
لا يمكن مرة هنساكو



بالونة

أكثر أوقات توجعني ..
بليل وأنا في البلونة ..
بشرب بالقهوة سجارة ..
وأفكر إن أنا بالونة ..
نفخوها الناس في الحارة ..
وإكمن الحارة فقيرة ..
فَ بانولي بالحب عمارة ..
أدوارها آمال وطيارة ..
وأثاتها دعاء وصلاة ..
وبقيت أنا صاحب جاه ..
أنا كنت أساساً راضي ..
إنني أبقى من الحرافيش ..
لو حتى الجيب كان فاضي ..
هتعثى بجينة قريش ..
وأشرب في سجائر فرط ..
وأدخل بالشرك حشيش ..
لكن على غير العادة ..
الواد دا دماغه جميلة ..
شاطر ونبيه الحيلة ..
يستاهل نظرة زيادة ..
والأهل ما شا الله عليهم ..
واخدين بالهم بصراحة ..

تعليم بفلوس ونصاحة ..
مبيانش عليهم حاجة ..
الأبله "أمنية" يا عيني
ناظرة ف مدرسة الثانوي ..
عارفة احتياجات الواد ..
وبتفهم دين مع عربي ..
وأفرنجي كمان وحاجات ..
والأستاذ "حمدي" محاسب ..
بيوفر ف الميزانية ..
وبيذاكر حتى حساب ..
للواد قبل الثانوية
ودبحنا خروف وفرحنا ..
ورقينا الواد م العين ..
وأهو ضاع والعين نظرتنا ..
واتبدل فرحنا طين
وشربنا القهوة السادة ..
ومن يومها بقيت أعشقها ..
أشرب ومعاها سجارة ..
وساعات من أبويا أسرقها ..
والعين راحت على غيري ..
والحارة بنوله عمارة ..
بدعيله يكون مش زبي ..
وأحلامه يكون صدقه



أبويا وأمي

أبويا وأمي الشقيانين - بعد انحناء ..
من فضلكم خليكوا جانبي متروحوش ..
أو بالأصح متموتوش ..
خلوني أشبع م الوشوش
فكرة فراقكوا م الأساس بايخة .. متهزروش
دا أنا لسه شايفك يابا وأنت بتلاعيني
لما كنت أشبط تشيلني .. هات يا بابا قوام تجيلي
ليه لما قلت أشيل شوية من عليك .. بتقول تسيبني !!
دا الدين ثقيل جدًا يا حاج
طب ورحمة ستي احمد زي سابق
يابا اصبر ليه تفارق ؟! طب يهون عليك زعلها !!
هي أصلاً صابرة بيك وبعيالها
أمي لما تكون مسافر .. تسهر وراكعة على سجادتها
تدعي ترجع ثاني ليها
أنت ناسي لما روحت تطلب إيديها ؟!
أيوه اضحك يابا وبلاش الزعل
وانتي يا أمي اضحكي
أنا نور الشمس مبيدخلش أوضتي غير بابتسامة الرضا ..
راضيين عليا مش كده ؟!
أبويا وأمي الشقيانين - بعد انحناء ..
"انتوا رمز للوفاء"



التابوت

أصحابي شايلين التابوت
أبويا كان تعبان أوي
وأخويا ميت م العياط
"وحدوه" تنقال وبس إن جانا موت
مين اللي مات ؟!
اسمي ميعرفهوش كتير
مليان غلط زي البشر
مش مانع إني عملت خير
والفطرة برضو بتنتصر
أصحابي شايلين التابوت
والدمع مالي وشهم
والحالة "تايهين ف السكوت"
ساكن قلوبهم .. حزنهم
أبويا كان تعبان أوي
م السهر ف ليالي تعبى
عامل قصاد أُمي قوي
جواه مرار لكن مخبي
أُمي ساكتة بدون دموع
شايقة مشهد مستحيل
سافرت أنا وبدون رجوع
ضيعت حلم كان جميل
أخويا ميت م العياط

مش بعادة مكوّنش جانبه
بس جملة "أخويا مات"
مجّتش أبداً يوم ف ذهنه
رغم إني مجّاش ف بالي ..
إني أول حد أموت
بس برضو فرحت إني ..
مش بإيدي أشيل تابوت
أصل فكرة إني أفارق ..
حد مني بجد تقتل
إني أول حد أفارق ..
ليا كانت فكرة أسهل



عماد

مع إن أنا أكبر منه
أنا شايفه تملي الأكبر
بتكلم دايماً عنه
مش بس أخويا .. دا أكثر
صاحب ومعاه أسراري
وببيعله أحزاني وشاري
أنا أبوه من قبل أبويا
دا أنا حتى جاييله "أتاري"
علشان كان شاطر زي
أنا كنت زمان بذاكرله
علشان يبقى أحسن مني
وكتبت أغاني عشانه
كان صوته جميل بيغني
أصحابي زمان صاحبه
أصله مسخرة من يومه
بيحبوا هزاره وضحكه
والطيبة الساكنة عيونه
وبرغم الجيش ومشاغله
وجوازه الواخد عقله
عُمره ما يبيعد عني
"عماد" مش بس أخويا
دا الحاجة اللي بتسندني



معتز

"معتز" ابن أحمد صاحبي
بقي صاحبي أكثر من أبوه
أقربلي كثير من ناس
ف السن أكيد سبقوه
ف الدنيا ماشوفتش حضن
أصدق من حضنه النونو
قلبه الأبيض و عيونه
ما شاء الله عليه م العين
معتز كسرلي الفكرة
إن صاحب بالعشرة
رغم إنه يادوب سنتين



عزّة

أول لقاء لنا ..
في القلعة جانب البحر
أول حكاويها ..
كانت هناك ع الصخر
أنا شوقتها مينا ..
لمركبة قلبي
وشاقتني هي السند ..
اللي يعيش بالعمر
أول لقاء للعين ..
كان قبل ما نجري
بصيت شمال ويمين
"عزّة" هنا ف بحري
وطلبنا رز بلبن
ومعلقة واحدة
إيديكي ليه دافية ؟!
من حبة كت باردة
وبايدي أكلتها ..
من طبقي كان بالعسل
وإيديها كات قشطة ..
أنا دوبت فيها بهبل
هو احنا ليه وإزاي !!
وأكيد دا أول يوم ؟!

يا "عزة" كنت أنا جاى ..
وقلبي كان مهموم
وإزاي يدوب القلب ..
اللي حالف أيمن
لا يحب يوم ويطب ..
ولا يوم يبات ولهان
إزاي بسرعة أكون ..
وإزاي تكونيلي !!
معقولة يبقى السر ..
بحرك معاه نيلي !!
يا عشانين ف اللقا ..
الصدفة أحلى كثير
شبهي أنا و "عزة"
وروميو مع جوليت
يا قلوب ومتعلقة ..
ف حبال ما فيها الخير
الحب مش بهدلة
الحب مش تعقيد
الحب مش لعبة ..
تكسيها أو تخسر
الحب مش كدبة ..
الحب مش منظر
الحب لو معشقة ..
ببقي أحلى كثير
الحب سهم يصيب ..

طيب ومش شرير
الحب مش نزوة ..
الحب إيد ف الإيد
الحب أنا و "عزة"
لو حتى كنا بعيد



القهوة

حطتله القهوة على المكتب ..
لكن كالعادة كانت باردة ..
نزلت تتمشى عشان تهدي ..
كان شادد .. هي كمان شادة ..
وخلافهم ف العادي بيخلص ..
بعديها بحبة ومش مدة ..
رجعت ف إيديها جابت وردة ..
داخلة ونيتها هتتعايب ..
ع المكتب ورقة بخط إيديه ..
"أنا آسف وعدي منفذتوش ..
بكيتك أكثر من مرة ..
أنا آسف ماشي ومش راجع ..
ابكي المرة دي آخر مرة



عشقك ألوان



ومش هلبس أنا بدلة ..
ولا انتي هتلبسي الفستان
وهنقضيه كده كاجوال
ولو قالوا دا شغل جنان
مانا وانتي حبيبتي غير
ومين شافنا لأبد يغير
طبيعي يكون لنا تأثير
ف دُنيا العشق والألوان



مؤمن بيكي

أنا مؤمن جدًا بيكي
أنا شايفك أحلى نساء الأرض
أنا مؤمن جدًا ولدرجة .. صليتك فرض
صليتك فرض مع الخمسة
وبلمعة عينك اتوضيت
طهرت عيوني كانت نجسة
أنا شايفك أهل وحضن وبيت



وسط رصيف



انتقابلوا وسط رصيف
زحمة ومليان ناس
مشهد ولا الأفلام
الكادر فيه إحساس
فجأة البشر يختفوا
لما العيون تضحك
ورق الورود يهتفوا
- يعيش بقى سحرك -



عمر الشقي

عُمر الشقي لو كان بقي
مكانش شَعْره شاب
يا ساكنين كوكبي
الموت مالوش أسباب
السكة ماشية عشان
ليها طريق واحد
وصانعي الأكفان
بيعبدوا الواحد
وكل الكفن واحد
أبيض مفيش ألوان



Chat



يا راضية بس بال follow
ورافضة حتى تبعتي add
وحافظة كل شيء أقوله
وحافظة كل صورة و tag
لإمتى بس تتداري ..
وعايشة وبس ع اللايكات
رسالة موجهه ليكي ..
أنا حاسس بمعاليك
برغم مفيش ما بينا chat



الفخ

تحسّه .. تحبّه
يحبك ف تفرح
ف تبدأ بغيرتك
ف يزهق .. ف يجرح !!
ف من ثم يبعد
ف قلبك هيتعب
ف من ثم يخ !!
دا عادي وجدّا
ودا اسمه "حب"
وبعض البشر .. في بعض الأماكن
يقولوا عليه اسم ثاني .. كـ "فخ" !!
❀❀

عيون جارية



عيونك غلوية تخرجني
ف وسط الناس
أكون واقف وبتكلم
وفجأة خلاص
بيسكت فيا أيها صوت
وبسرح ف العيون السود
كأن السهم كان مضبوط
ف يرشق فيا بالإحساس



حب على قدي



بحبك حب على قدي
لا منه يجيب ولا يودي
من الآخر دا حب ف قلب
وليكي أكيد مش هيعدي
وبكفاية عليا أحلم
وأشوفك زي مانا برسم
حبيبتي ونايمة على كتفي
وأفوق من حلمي ما أتكلم



كلمة معلى



مش هخرج .. ممكن تسيبوني !
- طب أصلاً أنت بتعمل إيه ؟
أنا قاعد وحدي لكن مرتاح
القمقم ضيق بس براح
- يا حبيبي اطلع ربنا يهديك
"معلى خلاص"
طب ينفع تتكتموا شوية
- طب ليه بتقفش ؟
أنا وحدي عشان محكيش وأسمع ..
كلمة معلى



بيت لعبة

وحلمت معاكي ببيت لعبة
وبنيته أنا وانتني على الرملة
مع أول موجة تعدي اتهد
كنتني بتضحكي وأهي قلبت جد
كل استغرابي ازاي نرضى ..
م الأول نلعب بقلوبنا
كل اللي بناخذه من اللعبة ..
حاجات ف الآخر تتعبنا



الذكرى

دقني لما تكون خفيفة
صوتي لما بكون هنام
عيني لما تكون عليكي
لمستي وقت السلام
كنتي دائماً تعشقيهم
كنتي قاصدة تحفظيهم
عشتي بيا - عشتي بيهم
ولما حان وقت الفراق ..
عشتي بالذكرى عليهم



مشاعر بايشة



كام رواية ..

حضر ..

ساعة

غنوتين فيروز زمان

محفظة وميدالية جلد

ريحة لسه ف المكان

هي راحت - بس سابت ..

كل حاجة فيا عايشة

هي أجمل بنت فانت

عاقلة - وقت الحب طايشة

هي بس عشقت بيها ..

وبعد منها مشاعري بايشة



ملايكة ليل



لمن يهتم بالتفاصيل ..
أنا أملك حبيبة إنما - ما ليها مثيل
عيونها تغني لي مواويل
رموشها سهام تجبيني قتيل
خودها تشبه التفاح - طارح ع النيل
شفايفها دي حصن متين ..
بيحرسها ملايكة ليل



أخطر مرض

"الاحتياج" أخطر مرض
يجمعنا بالناس الغلط
الديناصور ليه انقرض !!
علشان كرامته ف وحدته
قلبك ضعيف مين موته !!
قلبي مكنش ديناصور
والاحتياج فعلاً مرض
والأخطر إنك لو تحب ..
تحب قلب مشاعره زور



خطيبتي

وبحب خطيبتي لو أنا زعلان ..
تقرصني تقولي بلاش تمثيل
وتهزر دايماً ف الشارع ..
وتعمل تعبانة وتؤمر : شيل
وأشيلها وأجيلها شوكلاتة
وأفضل وياها لحد الليل
وإن قلت نروح ببساطة ..
تعمل زعلانة ولسه كثير
يا حبيبتي استني أما الدبلة ..
أنقلها شمالي ومش ف يمين
وساعتها أنا عندي استعداد..
نخرج ونبات لو كان ف كمين





أركان

إن جيتي للحق ماشو فتش خوف
قد اللي ملاني ف يوم بُعدك ..
تبتني ف إيديا أنا برجوكي
علشان مش هقدر أعيش بعدك



ودموعها وقت فراقنا مفارقتنيش ..
لساها بتحسني ذنب
طب ليه تموت وأنا اللي أعيش !!



بحبك ليه ؟!
بدون أسباب
بحبك زي وردة تموت
ومن ثم تعيش ف كتاب



القهوة أحسن منكوا -
حتى لو مُرّة وسادة
هي ليها وش واحد -
وانتوا ليكوا وشوش زيادة !!



يا أهل الهوا -
الحضن لو فيه الدوا
هيكون حلال !!



يا أيها الوجع الكبير .. الله أكبر!



ما بين "وعدك" وبين "بُعدك" ..
حرف مالوش ولا لازمة ..
لكنه خلق لي ١٠٠ أزمة



مخلوقة من ضلعك عشان ..
تدارى فيك وقت الوجع ..
خليك جدع



ولمحت صورتك ف السما نجمة ..
نفخت دخاني وشوھتها
نطقت سيجارتي - انسى -
أنت ما وحشتها



الحضن فرض ف الوداع ..
محضنتكيش !!



كان حبي ليكي من طرف واحد ..
شديت أوي وسبتي انتي - وقعت
وأخذت عبرة من اللي حصل بتقول ..
"الحب لعبة متحبهاش البنات"



أصلاً لو كنتي كمّلتني ..
كنتي تعبتي

أنا عيل وانتي ف دور الأم ..
بجدارة يا حبيبتي فشلتني



الصورة ف يوم ممكن تنقص ..
علشان الثاني أما يسبيك ..
إياك تحضن حد بإيدك !!



عمر "الشقي" لو كان بقي ..
مكنش شعره شاب ..
يا ساكنين كوكبي ..
الموت ملوش أسباب



كان "نص الليل" ملكك انتي ..
كان حضنك ملكي ومدينتي
مش قادر أستوعب لسه ..
ولا قادر أقول إنك كنتي !!



اختصار لحاجات كتير ..
الحياة من غيرها غير
كذب لو قولتولي خير !!



أنا أضعف واحد من جوه
أنا جامد جدًا من بره
في ناس من كتر ما يتجرحوا ..
دلوقتي بتجرح مضطرة



وقت الوداع "سكين"

رغم أننا مساكين ..

مش حمل أي فراق

برضو مسلمناش

وقبلنا جرح سنين !



أنا خوفت لتفارقي ..

وفارقتي زاد الخوف

كومبارس مثل دور ..

ع الشاشة كان محذوف !!



أراجوز .. ولما يعوز يبكي ..

مايتصدقش !!



الساعة ف إيدي مبقلعهاش ..

على رغم إنها وقفت بعدك ..

بلبسها عشان بس بتاعتك !!



وأهو عشت العمر تسيب ف بنات -

كان لازم يجي اليوم تتساب



بلاقي الراحة ف الضلمة

بلاقي الحزن ف اللمة

بلاقي الخوف بيركبني ..

ف صورة بنت مهتمة



أحلى حاجة فيكي "بنتي" ..
و"أنت" أحلى حاجة فيا !!



فاكرة آخر يوم جمعنا !!
فاكرة طب منظر دموعنا !!
طب ليه منرجعش ف كلامنا ..
وعادي لو قالوا عيال !!



وهقولك إيه أنا برج "ميزان" ..
يعني أنا على قد ما أكون عاشق -
بالفطرة بكون جدًا فلتان ..



السن مش بسنين ..
السن بني آدمين ..
بتعيشنا ونعيشها !!



العشق يشبه "خربشة" ف الضهر
بعد حضن طويل أوي وعنيف
العشق حاجة بتتلمس مش زيف



وجع البدن له دوا ..
القلب غير مالهوش ..
ف رجاء ماتجرحهوش



وعيونك "نيل" .. وأنا مركب تايه جواهم !



موجوع ووقت الجوع ..
يشحت من المساكين
جوع القلوب م الحب ..
مايعوضوش ملايين !!

❀❀
آخر طريق المعشوقين "الامتلاك" ..
ثم "الروتين" ..
اللهم إنه شيء لعين

❀❀
رغم كيدهن عظيم -
لكن قلوبهم مضعفة ..
"الغلب" فيهم دا صفة

❀❀
تصبحي على خير .. هنام
مادام الدنيا بعدانا ..
فنتقابل بقى ف أحلام

❀❀
وهقولك سر مالوش لازمة ..
ف كلامي وحبى كدبت كثير
مش كنت بقولك أموت بعدك !!
أنا سبتك ولا حسيت أزمة

❀❀
بنت حلوة بطعم بُن تقيل زيادة ..
هي مصدر للسعادة !!
❀❀

قلبك يتيم وأنا قلبي أب ..
ارمي التكال وأهو لنا رب ..



عيون البنت فضّاحة ..
تحب - تقولها بصراحة
ولو كارهاك بتديك عين ..
ما تشفى منها بجراحة



كل فراق وله تمهيد .. وتمهيدك دا كان قسوة ..
جماد انتي ب "نون" نسوة !!



بشوفك جوه حضني إزاي ؟!!
زي السكر الدايب ف قلب الشاي



حضنك شبه "نيكوتين" .. جوايا مش بيروح
باخذك نفس داخل .. يوجعني لما يروح !!



خايف .. ف تحب .. ف تطمن
ف تخاف من تاني لنتفارق ..
وأهي سيرة ودايمًا تتكرر ..
وحكاية اتكتبت ع العاشق !!



وعيونك "ليل" وأنا قلبي حزين ..
مش بعرف أبكي أنا غير فيكي
لو تسمحي أحضن معاليكي !!



مراكب دنيتي زحمة ..

ما راكب إلا وياكي ..

حبييتي يا جنة بهواكي



أنا عايز منك نسخة كمان ..

بالطبع تكون شبهك انتي

مش قصدي خيانة لا سمح الله ..

أنا أقصد بنتنا يا حبييتي



حبك يجوز يقلب عجوز ..

لقلب طفل ف ضحكته ..

حبك حياة .. وفراقك انتي يموته !!



تيجي نهرب ؟!

حد فين .. السما !!!

قلبي عاشق إنما ..

بيخاف عيون الحاسدين



طعم البنات "الصبر" .. وصبرها فدادين

طعم الشباب "الفقر" .. وأنا شلت منه الطين

ولحد امتي يا زهر .. ما تفرح عاشقين

خايف لتقلب مر .. الفاتحة ع المساكين



ومفيش ولا بنت تعوّض بنت ..

البنت مغامرة متكرررش !!



والرحمة تجوز على قلب عجز ..
ف بطاقته يادوب فوق العشرين
حواليه الخلق ومش حاسين



محتاج لما أزعل أهربك ..
أبعد عن كله وأقربك



انتي الدعا وقت الصلاة ..
وانتي اللي حبك ليا جاه
وانتي النجاة وانتي الحياة ..
وانتي اللي وصفك معضلة ..
حبك حقيقي مشكلة



وبتسخر .. أبص ف صورتك
أستغفر وأخاف جدًا تقطرنني ..
عينيك معجونين بالسحر ..
وأخاف تعويذة تقطرنني



ودوقت الشهد ف شفائك ..
حلفت إنني أصوم بعدك



بحبك خوف من الوحدة
بحبك برضو خوف م الناس
تضاد - بس النتيجة واحدة
بحبك أيوه كده وخلاص



أنا ليه ماكنش حمام ..

أشتاق أجيلها قوام ..

وأرتاح على كفوفها !!



والنور بيقطع لما أجيب سيرتك ..

والجو يصبح حر ع الآخر

مش قصدي أقول فقرية إطلاقاً ..

لكن حبييتي دا غزل ساخر



لما شافني اكتشفني ..

وحطني ف دور البطولة ..

لما خلص فيلمه سابني ..

أوسكار دي ياخذها بسهولة



ثم إنك زي القمر ..

"إزاي مغيرش" ؟!



وبقلب وسط الكراكيب ..

ولقيت أنا صورتك وسطهم

أنا قلت لنفسى كده عيب ..

حتى الكراكيب هتضايقيهم !!



يا حلوة وفيكي شيء الله ..

يا حب بجد كله حياة



وعيونك "ليل" وأنا قلبي عليل ..
محتاج النظرة اللي تداوي



الكحل لما بيترسم ..
بيحلّي ف عيون الصبايا
ف عينيكي كحل طبيعي جدًا
تفرح بشوفتك المراية



البنّت السمرا حياة ..
تعشقها بدون أسباب ..
والكحل ف عينها إن زاد ..
يتقال ف السحر كتاب



على فكرة "البنّت البيضاء" ..
سُكر بيحلّي البيت ..
ومصاحبة الضحكة تملي ..
لها قدرة على التثبيت !!



ولا تكسروش العثمانين ..
لو حضنكم كان يوم دوا ..



لو بس نعرف قد إيه ..
الحب يعمل معجزات ..
ماكنش حد حب ساب ..
ماكنش حد اتساب ومات



يا صبية محنية إيديكي ..
بناديكي تحني على الغلبان
الحنة بترسم معاليكي ..
وأنا عبد فقير ف الهوا عشان !!



لمس الهوا الخلخال ..
رن ف عيون الصبي
قلبه البتول راح مال ..
سألها إيه .. تلعبى؟!!



بحبك خوف من الجايات ..
و م الأوقات
لو انتي حبيبتى مش فيها ..
بحبك .. ليه هداريها !!



ممك سؤال؟!
هو انتي حلوة بجد يعني ..
ولا شاطرة ف الجمال !!



ضحكتك بنت البنوت .. خلتنى بعشق طلتك



بنتقابل عشان نمشي ..
ونتقابل بناس تانيين
طبيعي الحال بيتغير ..
لحد ما نلقى حب متين !!



البيت اللي أنا هبنيه ..

هتكوني أساساً ..

فيه "النور والروح والضل"

عاشقك ولا يمكن أُمِّلَ

يا عثمانين ف اللقا .. الصدفة أحلى كثير

كُتِر التجاعيد اللي ف وشي ..

إن دلت على حاجة ف هي ..

الدنيا إن جيت فيها ما تمشي ..

إلا بأزمات ياما نفسية

العشق "دور" .. حضنك "ديكور"

وانتي اللي مثَلتِي البطولة !!

وإن شوقتي دموع راجل خافي ..

عليه مش منه وعلى فكرة ..

الراجل مش سهل يعيط ..

غير بس عشان واحدة عشقها !!

مش كل الحُضن مُريح ..

أصل الأحضان مقاسات

مش لازم حُضن صريح ..

لو كان بينكم مسافات

عيونك سبحة مفروطة بسبح فيها للعاطي ..
حبيبتني وبنتي ومراتي ...



ورغم إنك قوية بجد ..
وقت الجد ضاعفالي ..
ووقت الجد باسم الحب .. هو "الحضن"
ومنك انتي يحلالي



كلاكيت .. المشهد متكرر
بصوا العصفورة .. وبصينا
كلاكيت .. بلد طعمها مرّر
اشربوا م العلقم .. صيّنا
صلينا لربنا وعصينا
لو بس نطهر نفسينا
الغبي هيغور وهنتحرر



أنا أكثر واحد يعرفني ..
وبالتالي أنا جدًا بكرهني !!



لو هي "ليل" ..
فياريت يا شمس متطلعيش ..
أصلًا مفيش ولا حاجة تشبه سحرها ..
خليني أشبع منها



مابتمناش أضقرّ شعر غير شعرك ..
ولا أكتب شعر غير فيكي
أساساً يعني إلهامي ..
بيسكن بس ف عينيكى !!



وروحى سائدة على روحها ..
وتسند هي بخذلها
بايدي يزيد أنا جروحها ..
جراحي تلم على إيدها !!



شعر إيه اللي أكتبه فيكي !!
وصفك أساساً شعر
يعني القصيدة هتبتدي بيكي ..
ما هتنتهي بالفعل



اسمك بقى "المبتدأ" ..
واسمي وراه "الخبر" ..
يا بنت زي القمر



كل البنات كفة ..
وحبيبتى أنا ف كفة ..
طبّت بفعل الحب
كل البنات معازيم ..
وانتى اللي ف الزفة ..
مالكة زمام القلب



شالوا "أنثى" من البطاقة ..
وقالوا دي "سكر نبات"



سُبْحان من حط ف حُضنك روح ..
سُبْحان من جعلك أحلى حياة
يا هدية وجت من عند الله !!



أنا حد معاك بيموت م الضحك ..
ولوحده يموت من كتر الخوف ..
أنا مفرد كلمة "هي ظروف" ..
أنا ظرف اتملى بشكاوي الناس ..
ملقاش لمشاكله مكان مألوف



حُضنك إدمان جدًا ..
علشان بتتنفّس ريحتك .. بستسلم



الغربة أبداً مش سفر ..
الغربة غربة روح !!



للعشق أصول .. وجنوني ف عشقك أبسطها



أربع حيطان وانتي واتغطى بعيونك ..



صباحك لوز .. وغنواية بصوت "فيروز"
صباحك حلو كالعادة .. يا أحلى كتير من ""الهوهوز""



كل حاجة بحبها وليها سبب ..
إلا انتي حبك كان قدر
ياللي انتي غير كل البشر



نقطة ضعف كل ابن آدم ..
بنت حلوة ف جنس حوا
وانتي نقطة ضعفي اللي ..
لو تزيد بتزيدني قوة ..



أكثر فترات الكذب ..
الليل .. أبريل .. والغربة
وقصاد ميت ف التربة ..
وساعات لو بايع قلب !!



العشق يشبه "خربشة" ف الضهر ..
بعد حضن طويل أوي وعنيف
العشق حاجة بتتلمس مش زيف



مرة شاعر حب بنت ..
قام بانيلها قصور كلام .. يا سلام !!



كسر ها الواد ..
فشالت قلبها وحطت مكانه "جماد"



سابها لما منها مل .. هي زادت بالبعد .. هو قل



ماتكسروش العشمانين ..

لو حضنكم كان يوم "دوا"



كل البنات ف الأصل من "حوا" ..

بس انتي فيكي من الملايكة كتير .. انتي غير



لما شافني اكتشفني ..

وحطني ف دور البطولة

ولما خلص فيلمه سابني ..

أوسكار دي ياخذها بسهولة !!



احتياجي ليكي مختلف يمكن ..

يشبه أوي لاحتياجي حقنة هوا

وبوسة قبل ما أموت

انتى الهوا جايز أعيش بيكي

أو .. انتى الخلود !!



هاتى بوسة تبل ريقى .. جوفى قبلك طعمه مر

فمى لو يلمس شفائىك .. عادى يسرح .. هو حر !!



بحبك وناوى أعيشلك وأعيشك ..

وأكونلك صحابك وأهلك كمان ..

بحبك وواصل بحبى لدرجة ..

تفوق حب "قيس" ل "ليلى" بجنان



بنت مكيّاچها "البساطة" ..

وَكُلَّ راسم بس عيناها ..

قلبي لازم ينحنيلها



وعيونك "ليل" ..

وأنا "مركب نيل" ..

بسرح جواكي وبطمن ..



حبك يجوز يقلب عجوز ..

لقلب طفل ف ضحكته ..

حبك حياة وبعاذك انتي يموته !!



البنت إن حبت تحكي ..

تختار صاحبة عشان تهدي

تترمي جواها وتبكي ..

والصاحبة دي تبقى مخدة !!



واللي بيصبروا ع الوعد ..

دول ناس ماليها مثيل ..

نعمل لهم تماثيل



ضحكتك بنت البنوت ..

ممكن تموت لو تعشقي قلبي العجوز ..



حُبك دلع .. بيصيب جلالة حضرتي بالارتباك !!



بيت وانتى تكوني امه ..
وبنت منك تبقى "سارة"



ممکن سؤال !!
هو انتى حلوة بجد يعني ..
ولا انتى شاطرة في الجمال ؟!



البنت خوف .. وزحام ظروف ولعبة وكر اكيب
ورغم دا .. البنت زي الشمس ..
الضلمة لما تغيب



بنات الناس ماهيش لعبة ..
قلوبنا ما شا الله ضد الكسر
ما زي ما في شباب سكة ..
في مليون بنت غاوية الغدر
يا رب الستر



البنت أساسًا كائن هش ..
تشبه لإزاز قابل للكسر ..
البنت كرامة وعزة نفس ..
أبسط تشبيهه "سيده القصر"



آه بحبك .. أيوه راضية أبقى ملكك ..
بس مش معناها إنك تبقى ملك لكل "حوا"
غيرتي ممكن توصل إنني عادي استسلم لقتلك !!



مش بس البنت اللي بتحتاج ..
طبطة وحاجات
من امتي الجرح ف يوم فرق ..
بين بنت وواد !!



صباحك شعرك الهائش ..
وعينك لسه بتفتّح ..
صباحك قلبك العائش ..
عشان قلبي يعيش يفرح



ثم إن عينيكي حلوة
قادرة تخطف أي حد
ثم إن الدنيا برد
ثم برضو دفايا حضنك
اللي فيه برتاح بجد
ثم إنك مش شبهم
الله أكبر من عيونهم
ثم لازم أبخرك
كل جمعة وكل حد



يكون ف علمك ..
عديت خلاص سن المراهقة
يعني لو قلت إنني عايزك
تعرفي إنك عندي فارقة



طب أقولك حاجة ومتتكسفيش !!

لأ متخبيش وشك عني ..

أنا عاشق أصغر تفاصيلك ..

أنا بيكي هعيش ..

وهموت لو ضعيتي ف يوم مني



ليه شفايفك مش عصير ..

كل ما أعطش أشربك !!

ليه عيونك مش سرير ..

كل ما أتعب أحضنك



حبييتي وبنتي وبيتي وأم

بحس بإن اللي رابطنا أقوى من الدم



رغم كيدهن عظيم ..

لكن قلوبهم مضعفة ..

"الغلب" فيهم دا صفة



كُلكن ناقصات عقلٍ ودين ..

كلنا كرجال لهذا النقص .. محتاجين !



تيجي أقولك كلمة سر في العلن !!

أنا قلبي بيكي اتقتن ..



حضانك شبه نيكوتين ..

جوايا مش بيروح ..

باخذك نفس داخل ..

يوجعني لما يروح !!



مراكب دنيتي زحمة ..

ما راكب إلا وياكي ..

حبيبتي يا جنة بهواكي



هنلبس ف الفرحة كاجوال ..

هناخد سيلفي في الكوشة ..

وأنا اللي هسوق وفي الزفة ..

هنعمل ليلة مرووشة



براءة عينك الزائدة ..

بتغلب كل أشعاري ..

هواكي الوزن والقافية ..

شفافيك هي أحباري



أنا أضعف واحد من جوه

أنا جامد جدًا من بره

في ناس من كُتر ما يتجرحوا

دلوقتي بتجرح مُضطرة



دعوة الصايم مُجابه ..

ودعوتي هي انتي ليا ..

تيجي على هيئة هدية ♥



دعوتي ليكي النهارده ..

"ربي لا توجعني فيها ..

ربي كُن دائماً حامياً"



- تتجوزيني ؟!

- اشمعنى يعني !!

- انتي الوحيدة اللي خدتنى ..

ومالية عيني



الضحكة ف عينك بنت بنوت ..

وأنا أول واحد يلمحها ..

وأنا حالف إنى ما هجرها ..



حاول تسيب مسافات ..

لو صورة مع أحباب

ممكن تعود تتقص ..

إن يوم بقيتوا أغراب



انتى اللي فى الصورة ..

وحوالىكى مش باينين ..

يا بنتى أمورة ومعقدة الحلوين



أنا سبتها ومعايا واخذ قلبها
ولكني برضو سايلها قلبي يونس حضنها



كل الكلام فاضي .. كل الغرام ماضي
مزعلش !! .. لأ عادي
أنا عارفه م الأول .. امشي وبعيد طوّل



أنا بهرب م الدنيا لحضنك ..
فياريت تفضلي فاتحالي البيت



لو دمك بتشوفه لوحك ..
دي علامة بانك مش عايش !!



حُضن الوداع صادق .. يوجع مايبسكنش
احضن قوام فارق .. وإياك تقول معلش



الوحدة ساعات بتكون أفضل ..
من ناس حواليك ملهاش لازمة
الوحدة ساعاتها إن كات أطول ..
فالأطول فترات الأزيمة



اديتك روح .. رديتي جروح ..
أنا خايف أروح ما أرجع ثاني
كُتر الأوجاع من حد قريب ..
بتخلي المحبوب دا أناني



قلبي اللي نص كلامه شعر ..

عندك "أصم"

جرحي اللي عاش جوايا عمر ..

بايديكي لم

انتي حاجة متوصفش ..

انتي جوا وريدي دم

انتي وبس اللي عشقتك ..

انتي الأهم



ثم إنك مش شبه كل البنات

انتي غير ..

انتي حلوة في الكلام ..

وبتبقى أحلى في السكات

زي بطلة فيلم عربي ..

من جمال "الستينات"



أنا خدت عين "فيها" وعينيها كانوا السبب ..

حسدوني أنا عليها .. والله قلة أدب



حبيتها عشان ملقتش ..

ف عيونها مجال للغش

عصفور وبنيت العش ..

علشانك تسكني فيه

طبطبي على قلبي داويه



صباحك جسمك الدافي
وهو فوق دفا جسمي ..
صباح اسمك معاه اسمي



منتصف الليل بعد 12
دا وقت ملائم للغربة !!



الصورة ف يوم ممكن تنقص
علشان الثاني أما يسيبك
إياك تحضن حد بإيدك
رتّب أشخاصك في الجدول
رتّب من ثاني ف مواعيدك
اتأكد إنك رايد حد
وبنفس حماسك بيريدك



السهر مسموح وبس إن كان ف سيرتي
ومتسرحيش ف حاجة أبداً إلا صورتي
ولا حد غيري يا حبيبتي يقول "حبيبتي"



يا أم الخدود "وردي"
ضحكك سبب سعدي
محظوظ ومين قدي ..
ياللي انتي أحلى حياة



الحُضن فرض ف حضرتك
الحُب أصلاً حضرتك
أنا لما وصفولي الغرام ..
كان لازم أعشق حضرتك



الماضي مالوش أبداً مواعيد ..
والعيد إن جه كان قبله صيام ..
الله يرحمها خلاص أيام



يا صبية الضحكة ف وشي ثواب ..
ما تواربي الباب حني عليا ..
أنا عاشق سحرك يا صبية



مش شرط يعني الحُضن يبقى بالإيدين ..
حُضن العينين يتحس أكثر مش كده !!



نُقطة ضعف كل ابن آدم ..
بنت حلوة ف جنس حوا
وانتي نقطة ضعفي اللي ..
لو تزيد بتزيدني قوة



يا دبلة سجن وجوا منها حياة ❶



قلبك مسكين وأنا قلبي حزين ..
ف تعالي ف حُضني نطبطب بعض



خبيني وكوني الكون لو أكون ..
من كل الكون محتاج أكونك ..



الخوف ماهوش م الحب ..
الخوف دا من بعديه !!



بنت سمرة بكحل يرسم ..
والنتيجة عين بتسحر
والقلوب بتدوب قصاها ..
بنت واحدة اللي قاصدها !!



ياريت تديني تأشيرة ..
عشان أدخل حدود قلبك
أنا ناوي أهاجرلك ..
عشان مش سهل لو أفارقك



عايزة الحقيقة !!
توهتي فيكي مش بريئة



مش ساكن منك جواه ..
غير "دبلة" قالعها وبيخونك ..
مش معنى الدبلة إنه يصونك !!





أنا فتى أحلام لبنات ياما
أنا روميو لكل بنات چوليت
كام كلمة اتكتبت كدابة
ويا بنتي الشعر ما يفتح بيت



دقني الخفيفة تشوكك
صوتي الخشن بيحركك
وبتحضني وبتسألي "بتحبني" !!
أنا مش بحبك .. بعشقاك



الفهرس

- الإهداء ----- 1
- البنات الللي ف ثانوي ----- 2
- حنة خيش ----- 8
- آن الأوان ----- 9
- أسف يارب .. ----- 10
- وياك ----- 12
- شكرا ----- 13
- مفيش داعي ----- 15
- يا بنت الناس ----- 16
- وحشتيني ----- 17
- بنت ----- 19
- يا أم عباية ----- 21
- ساره ----- 22
- نظرة ----- 24
- حائط صد ----- 25
- رسالة ----- 27
- في المترو ----- 30
- حب عميق ----- 32

- 33 ----- صدفة
- 34 ----- فرحانة
- 36 ----- عاشق
- 38 ----- ساعة
- 40 ----- أنا غلبان
- 42 ----- وسط البلد
- 45 ----- شوكولا
- 46 ----- ذكريات عايشة
- 47 ----- روشة حب
- 48 ----- وبر منحول
- 50 ----- هتصدق !!
- 52 ----- لقطة دراما
- 54 ----- آخر كرسي
- 56 ----- وحشتيني ومستتي
- 59 ----- جلاذ شفاف
- 62 ----- صباح الخير
- 63 ----- شوارع وبيوت
- 65 ----- عايزك لقلبي وطن
- 67 ----- أكثر واحد ساب واتساب

- 69 ----- باسورد
- 70 ----- relationship
- 71 ----- طموحي
- 72 ----- الحب بالنيات
- 73 ----- قلوب فخار
- 74 ----- أنا وشي حلو
- 75 ----- قلب الليل
- 76 ----- حضن شامل
- 77 ----- متخافيش
- 78 ----- البلكونة
- 79 ----- صدفة
- 80 ----- تنويه
- 81 ----- هسيبك وهبعد
- 82 ----- الشتاء
- 83 ----- شتا المجروحين
- 84 ----- آخر صف في السима
- 85 ----- في قلبي مكان
- 86 ----- رسالة أوجاع
- 87 ----- مرايتك

- 88 كيدهن -----
- 89 عيونها -----
- 90 عيونها بحر -----
- 91 هتجوزك -----
- 92 قصة ملتوتة -----
- 93 حواديت -----
- 94 عيل -----
- 96 عافر -----
- 98 يا عاجباني -----
- 99 حب هستيري -----
- 100 حوار -----
- 101 شكرا -----
- 102 بالونة -----
- 104 أبويا وأمي -----
- 105 التابوت -----
- 107 عماد -----
- 108 معتز -----
- 109 عزة -----
- 112 القهوة -----

- 113 ----- عشقك ألوان
- 114 ----- مؤمن بيكي
- 115 ----- وسط رصيف
- 116 ----- عمر الشقي
- 117 ----- Chat
- 118 ----- الفخ
- 119 ----- عيون جارحة
- 120 ----- حب على قدي
- 121 ----- كلمة معش
- 122 ----- بيت لعبة
- 123 ----- الذكرى
- 124 ----- مشاعر بايشة
- 125 ----- ملايكة ليل
- 126 ----- أخطر مرض
- 127 ----- خطيبتي
- 128 ----- أركان
- 159 ----- الفهرس